



# ივერია

ქართული ეროვნული პოლიტიკის ორგანო  
პერიოდული გამოცემა

L'organe de la politique nationale Géorgienne  
„IVERIA“

Directeur E. PATARIDZE.

Rédacteur S. TCHIRAKADZE.

თებერვალი 1966

N° 12

FÉVRIER 1966

### შინაარსი:

დაუეიწყარი ისტორიული ტრადედია.

აკადემიკოსი არაკადემიურ როლში . . . . . შ. გალანდაძე

სოფლის მეურნეობის გამოუვალე კრიზისი . . . . . ხ. ჭირაქაძე

ჩვენი დროს «სიბრძნე სიცრუისა» . . . . . მ. ქავთარაძე

ორი უგუნური გამოსვლა . . . . . ელ. ბატარძე

საქართველოს პოლიტიკური მდგომარეობა . . . . . სვე. ჭირაქაძე

ავგისტოს აჯანყება (სიტყვა მ. ქავთარაძისა)

სამგლოვიარო ცნობები და სხვა.

საქართველოს ეროვნულ - დემოკრატიული პარტია.

LE PARTI NATIONAL-DEMOCRATE GEORGIEN

პარიზი — PARIS

1966



# ივერია

ქართული ეროვნული პოლიტიკის ორგანო  
პერიოდული გამოცემა

თებერვალი 1966

№ 12

Février 1966

## დაუპიწყარი ისტორიული ტრადიცია.

ორმოცდახუთი წელიწადი გვაშორებს, იმ ისტორიულ-ტრადიციულ ეპოქას, როდესაც საბჭოთა რუსეთის უამრავი წითელი ჯარი, ქართველი კომუნისტების მეთაურების წინამძღოლობით, ომის გამოუცხადებლათ, თავს დაესხა საქართველოს; სამხედრო ძალათა უსწორო ბრძოლებში დაამარცხა ქართველობა; ზღვა სისხლში ჩაახრჩო ქართველი ერის თავისუფლება და სახელმწიფოს სუვერენობა, ქართველი ერი კვლავ დაუმორჩილა რუსეთს, რომელმაც საქართველოს ტერიტორიის ანექსია მოახდინა. საბჭოთა რუსეთის მთავრობამ მათ წინაშე «დამსახურებელი» და საკუთარი ქვეყნისა და ერის მიმართ ღალატის ჩამდენი და დამნაშავე—ქართველ კომუნისტთა მეთაურებისაგან შემდგარი მთავრობა დააყენა, და ქვეყნისა და ხალხის საბოლოოთ დასამორჩილებლათა და დასაპყრობათ რუსის ჯარების დიდი ნაწილიც დაუტოვა, როგორც ამ «ნამესტნიკი მთავრობის» მიერ «ნაშვილები», იმ დიდი «დამსახურებისათვის», რომელიც მათ ქართველი ერის წინაშე მიუძღოდათ!..

საბჭოთა რუსეთის მეთაურების მიერ ჩადენილ ამ ვერაგულსა და კრიმინალურ აქტს—თავისუფალი ერისა და სუვერენული სახელმწიფოს, უხეში სამხედრო ძალით დაპყრობას.—ქართველმა ხალხმა პირველი ორი ათეული წლის მანძილზე, რამოდენიმე აჯანყებით უპასუხა. რომელნიც ზღვა სისხლში ჩაახრჩო საბჭოთა საქართველოს «მთავრობის» მიერ «ნაშვილებმა» რუსის წითელმა ჯარებმა.

თავისუფალი ერისა და სუვერენულ სახელმწიფოს უხეში ძალით დაპყრობასა და გაუქმებას არ შერიგებია და არ დაუდასტურებია კულტურულ კაცობრიობის იმ დიდსა თუ პატარა სახელმწიფოების მთავრობებსა და ოფიციალურ წრე-

ებს, რომელთა მიერ თავის დროზე ნაცნობი იყო ფაქტიურად და იურიდიულად, საქართველოს დემოკრატიული რესპუბლიკა, არც მსოფლიოს პოლიტიკური წრეებს. თავის დროზე და დღესაც ისინი გამობენ და საერთაშორისო უფლებისა და სინიდისის წინაშე ასამართლებენ ამ კრიმინალურ აქტს.

ქართული ეროვნულ-პოლიტიკური ემიგრაცია, საქართველოს ომში თუ აჯანყების დამარცხების შემდეგ უცხოეთში გამოსული, ქვეყნისა და ერის უბედობისადმი შეუთრეველი, ურყევათა სდგას, ეროვნულ თავისუფლებისა და სუვერენობის აღდგენისადმი ბრძოლის პოზიციებზე და განაგრძობს მოქმედებასა და ბრძოლას თავისუფალი მსოფლიოს პოლიტიკურ ასპარეზზე, საერთაშორისო სინიდისისა და მორალის გზით. და ურყევად სწამს ქართველი ხალხის თავისუფლებისა და დამოუკიდებელი სახელმწიფოს აღდგენას.

უშედეგო მტრების ცდები ჩვენი სულიერად დამაბუნებლისა და გატენისათვის. მათი უზნეო და უნამუსო შემოტევები და თავდასხმები, კიდევ უფრო აკავშირებს და სულიერად აძლიერებს ქართულ ეროვნულ-პოლიტიკურ ემიგრაციას.

### აქადემიკოსი არააკადემიურ როლში

ქართული ემიგრაცია, მთელი ორმოცი წლის მანძილზე, შეუდრეკელათ ატარებს ანტიკომუნისტური ბრძოლის დროშას და მოსკოვის იმპერიალიზმთან ბრძოლის ერთი მთავარი პიონერთაგანია. საბჭოთა ხელისუფლება უთუოდ დიდ ანგარიშს უწევს, მეორე მსოფლიო ომის პერიოდში ქართული ემიგრაციის მიერ წარმოებულ ბრძოლებსაც. ამით აიხსნება, რომ ამ უკანასკნელ წელთა მანძილზე საბჭოთა საქართველოს მეთაური განსაკუთრებით ყურადღებას იჩენენ ქართული ემიგრაციის მიმართ. რასაკვირველია, ეს ყურადღება ემიგრაციაზე თავდასხმებში გამოიხატება. დღემდე ჩვენ მოთმინებით ვიყავით, მათ თავხედურ გამოლაშქრებას უპასუხოთ ვტოვებდით და ამაყი სიჩუმით ვხედებოდით, რადგან ვიცოდით ემიგრაციის ღირსება, ფასი და მისი მაღალი დანიშნულება. მაგრამ ამიერიდან ეს შეუძლებელი ხდება, რადგან მათი კამბანია სცილდება ყოველ საზღვრებს და ჩვენი წარსულის, ჩვენი წინაპრების, ჩვენი «წმიდათა-წმიდის» შეგინების ხასიათს ლებულობს. მკითხველი მიხედება, რომ ჩვენ სახეში გვაქვს ფ. ლომაშვილის ბროშურა «ქართული ემიგრაციის ისტორიიდან». ეს ბროშურა თავიდან ბოლომდე მუხდალი ტალახი და უჭუჭია. ჩვენ არ ვაპირებთ მის გარჩევას—მას ალბათ სათანადოთ გაარჩევენ და სათანადო პასუხსაც გასცემენ.

ჩვენ ვფიქრობთ ლომაშვილის ნაცოდელიარზე უფრო დამაფიქრებელი, სამწუხარო და გაცილებით უფრო ცუდია ის ამბავი, რომელზედაც ახლა მოგახსენებთ. ამაზე წერა ჩვენთვის მრავალმხრივ უფრო სამძიმოა, რადგან ის შეეხება საქართველოს მეცნიერებათა აკადემიის აკადემიკოსს, გიორგი მელიქიშვილს. \*)

ჩვენ არა ერთხელ დაგვიწერია და საჯაროთაც განგვიცხადებია—თუ რა დიდს და საშვილიშვილო საქმეს აკეთებს საქართველოს აკადემია, რომ საქართველოს აკადემიას ჰყავს მეცნიერთა ისეთი პლეადა, რომლის სახელები მსოფლიოს უდიდეს უნივერსიტეტებს და აკადემიებს დაამშვენებდა. კერძოთ, ვიცნობთ აკადემიკოს გიორგი მელიქიშვილის თავდადებულ შრომას, დიდ უანგარობას. ჩვენი წარუღისადმი სიყვარულს, ზღვარუდებელ მოთმინებას, დაუღალავ ძიების წყურვილს, პიპოტენზაში—ზომიერებას და დასკვნებში აუჩქარებლობას. ყველა ამის მიხედვით ჩვენ ასე ვსჯით, რომ ჩვენთვის სრულებით არ არის სასარგებლო მისი დამცილება და გაბახება. სამწუხაროთ აკადემიკოსი ასე არ ანგარიშობს ჩვენს მიმართ და განუსჯელად, მეორე მხარის მოუსმენლად და ბოლომდე მოუფიქრებლად, წინასიტყვაობას უკეთებს ლომაშვილის პამფლეტს, რომელშიაც ასე ურცხვად შეგინებული, ასე უშვერად მოხსენებული ჯერ არავისგან არასოდეს არ ყოფილან ჩვენი წინაპარნი, ჩვენი სასიკადულო საისტორიო ეპიკები და ჩვენი თავმოსაწონებელი დამოუკიდებლობის ხანა. ჩვენ არას ვიტყვიით იმ შეუწყნარებელი ტონის გამო, რომლითაც გაქლენთილია ეს წინასიტყვაობა, და რომელიც ამქადაგებს ავტორის გემოვნებას. ჩვენ გვსურს მხოლოდ აღვნიშნოთ, რომ ასეთი ბუქით და კორიანტული ნათქვამი სიტყვები ბეზღობაზედ, უცხოეთის დაწვერვათა სამსახურში ყოფნაზე, ლალატზე და სხვა ამისთანებზე—ბოროტი განზრახვის და მრუდე გულის ნაქარნახეგია. თუ ამას აკადემიკოსი მელიქიშვილი დღევანდელი საქართველოს მთავრობის კარნახით წერს, მით უარესი ამ მთავრობისათვის. ვინაიდან იმას, რაც ლომაშვილის პამფლეტში და მის წინასიტყვაობაში წერია, შეუძლებელია ქართული ღირსების, ქართული საქმის, ქართული მორალის და ქართული პოლიტიკის დაცვა უწოდოთ. ლომაშვილს ჩვენ ვერ მოვთხოვთ დამოუკიდებელი საქართველოს მთავრობის, დამოუკიდებელი საქართველოს პარტიების თავკაცების მოკრძალებით და მორიდებით მოგონებას, მაგრამ აკადემიკოს მელიქიშვილს კი ეს მაქსიმალურად მოე-

\*) ამ საკითხზე მოკლე ხანში სპეციალური ბროშურა გამოვა.—მაგრამ ზოგიერთ საკითხებს, კერძოთ ჩვენი პარტიის ხელმძღვანელებს რომ ეხება, ჩვენი ჟურნალი კვლავ დაუბრუნდება.

თხოვდა. მას არ შეჰყვარის მყვირალა სიტყვები, ჩუკის სარდაფიდან ამოხიდიული ყალბ საფუძველზე აგებული სისხლიანი დასკვნების განმეორება. უფრო არ ეკადრება მას ასეთ ჭუჭყიან ანგარიშებში აკადემიკოსის წოდების გასვრა-დახურავება.

ქვა გულის მქონე უნდა იყოს საქართველოს 'შეილი, რომ ემიგრაციის მნიშვნელობა, მისი მაღალი დანიშნულება და მისი მეთაურების როლი. «უცხოეთის დაზვერვის აგენტების» დონემდე ჩამოიყვანოს. საქართველო იყო ქართული ემიგრაციის მეთაურობის პირველი და უკანასკნელი სიყვარული და ისინი ისე წაიღიდნ ამა სოფლიდან, რომ საფლავშიაც თან ჩაიტანეს ქართველი ერის კეთილდღეობაზე. მის სასიცოცხლო ინტერესებზე და მომავალზე ფიქრი და აზრი. დარბაისელი მორწმუნე რომ გადაავლებს თვალს თავის მორთულობას საყდარში შესვლის ეამს, რომ ფეხით, ან სამოსელით ტალახი რამ არ შეიტანოს წმინდა საყდარში. ისევე დიდ მამულიშვილთა მოგონების დროს საჭიროა გონების თვალთ გადავლენა და გადასინჯვა იმ აზრისა და სიტყვისა, რომელიც წმინდა დიდი ხსოვნის სამსხვერპლოზე, ვით ცოცხალთა წმინდა ვალი. თუ ეს შეუძლებელია და ამას არავინ არ ავალებს გიორგი მელიქიშვილს—მას ერთი რამ აუცილებლად ევალება: ასეთი საკითხების წინ სავსე თაველივით თავმოდრეკა და ჩრდილში დგომა. ამას მოითხოვს აკადემიკოსის ღირსება.

აკადემიკოსი მელიქიშვილი «თავის» წინასიტყვაობაში. ლომაშვილის პირით, ასე მოგვმართავს: «ნუ გახდებით საკუთარი ქვეყნის და ხალხის მოღალატენი, ნუ შეხვალთ მშობლიური ხალხის მოსისხლე მტრის სამსახურში, ნუ მოექცევით უცხოეთის დაზვერვათა ბინძურ კლანჭებში: უფრო მეტად დაუახლოვდით, გაეცანით თქვენს მშობლიურ ქვეყანას; მონახეთ თქვენი ადგილი იმათ შორის, ვინც სამართლიანობის, მშვიდობის და ხალხთა შორის მეგობრობის იდეით იბრძვის და მოქმედებს»-ო.

მოდიოთ და ამ მოწოდებაზე ნუ გაიცინებთ, ან მთელი გულისწყრომით ნუ აიძღვრევით, ნუ აფეთქდებით. მაგრამ ამ მოწოდებაში არის ადგილები, რომელმაც კოტა დაგვამშვიდა. პატივცემულმა აკადემიკოსმა მოწყალეების თვალთ გადმოგვხედა, შეგვიბრალა, მთლად არ გაგვწირა და გვიჩვენა—უფრო მეტად დაუახლოვდით და გაეცანით თქვენს ქვეყანასო. წესიერ საზოგადოებაში ეს ადგილი ასე იქნება გაგებული: უფრო ახლო გავიცნოთ ერთმანეთიო. თუ ეს ასეა, ჩვენს სიხარულს საზღვარი არ აქვს, ვინაიდან აქ მოსჩანს უშუალოდ გულწრფელობით აღბეჭდილი კილო. ამიტომ ჩვენ მზად ვართ დავაკმაყოფილოთ აკადემიკოს მელიქიშვილის სრულიად კანონიერი და გონიერული წინადადება.

ბ-ნი აკადემიკოსი ლომაშვილის «ნარკვევი»-ს წინასიტყ-

ყვაობას ასე ახასიათებს: «ფეიქრობთ ამ ნარკვევს ინტერესით გაცნობიან თანამემამულენი, როგორც ჩვენი ქვეყნის შიგნით, ისე შის გარეთ». ჩვენ ბნო გიორგი ლეთის მაღლით და თქვენი წყალობით გავეცანით ამ «ნაშრომს», გულდასმით მოვისმინეთ ემიგრაციის წინააღმდეგ წამოყენებული «ბრალდებები». სამართლიანობა კი მოითხოვს ჩვენც მოგვისმინოთ და უწინარეს ყოვლისა თვით ქართველმა ხალხმა, მაგრამ არა ნიღბ ამოფარებულათ, არამედ თვით თქვენს პრესაში. სხვა მხრივ ეს იქნებოდა ცალმხრივი გაცნობა და რაღაც სრულიად გაუგონარი სადიზმი. თუ თქვენ ასე გული გტკივით მსოფლიოში გაფანტულ თქვენს თანამემამულეთა სეე-ბედზე, თუ თქვენი წინასიტყვაობა წრფელი გულიდან ამოქაცურები მოწოდებაა ბნო გიორგი—იმედი ა ამის საშუალებას მოგვიპოვებთ. სერიი და სანახაობა მაშინ ნახეთ. მაშინ ყველაფერი მხეზე გამოიფინება და გამოიჭიმება მთელი თავისი სიგრძე-სიგანით. მაშინ გაიგებთ ვინ არის საკუთარი ქვეყნის და ხალხის მოალაატე, ვინ არის სამშობლოსა და ერის მოსისხლე მტრის სამსახურში, ვინ მოქცა დახვეწვათა ბინძურ კლან-ქებში და ვინ ვის ესხმის თავს მტრის პოზიციებიდან. მაშინ გაიგებთ დაჰკარგა თუ არა ქართულმა ემიგრაციამ პოლიტიკური ძალა.

გაიგებთ აგრეთვე, რომ ჩვენ არ ვცხოვრობთ ფუფუნებასა და განცხრომაში. მაგრამ ერთი კი არის—ჩვენი ცხოვრება მის ყოველდღიურ საჭიროების ფარგლებს სცილდება. ჩვენი შვილები და შვილიშვილები სახელმწიფოს მანქანის ზრახნებათ არ გამხდარან დაბადებიდანვე და მამებთან ერთად არ არიან მიბმული ბაგაზედ, საიდანაც უნდა მიიღონ ყოველდღიური საკვები.

ჩვენ არ დავმალავთ და ჩვენ ნაკლებდაც აშკარათ ვილაპარაკებთ, ჩვენ ამისი არ გვეშინია. იტყვიან: «უნაკლო კანონი არ არისო», მაგრამ ამ ნაკლთან ერთად ჩვენ შევიწახებთ ქართული ხასიათის ის სპეციფიური თვისებები, რომელთა შემწეობით ქართველმა ერმა სისხლით წარმდგენელ თავის ისტორიას გაუძლო. ეს თვისებები გახლავთ: პიროვნული და საზოგადოებრივი ღირსება, მისი შეგნება, სიამაყე, თავმოყვარეობა. ეს თვისებები განსაკუთრებულ ხასიათს და სულისკვეთებას ჰქმნის, განსაკუთრებულ ამბიციას. მაგრამ, თქვენ კარგათ მოგვისყენებათ ბნო გიორგი, თუ ამბიციას ნორმალურ კალაპოტში არ ჩააყენებთ, ის მანვე და საზარალო გახდება ერისათვის. ამ შემთხვევაში ის სიმსუბუქეა. მკვებარობა, უშნო, უღაზათო პრანუიობა, უსაფუძვლო ქედ-მაღლობა—წყარო ყოველმხრივი სიმჩატის, უანგარიშობის, მოუთმელობის და სულმოკლეობის. მაგრამ რაც მთავარია—წყარო უგუნთურ ბაიყუშობის, ეროვნული ნიჰილიზმის. რაც უკვე ვეღარ თავსდება თვით დიდი პოლიტიკური შეცდომისა და მარცხის ფა-

რგვლებში. ის ეროვნული კატასტროფის სახეს ღებულობს. ის შშიმე ურილობას აყენებს საქართველოს განმათავისუფლებელი ბრძოლის საქმეს. ის ბლალავს და ლახავს ქართულ ღირსებას. ხოლო ყოველივე ეს არ არის ისეთი ღირებულება, რომ ის, ერთხელ შელახული და დაკარგული ადვილად აღვიდგინოთ და დავიბრუნოთ. აი ბატონო გიორგი რამდენ თავსატეხს საკითხზე, ჩვენს ეროვნულ ნაკლებ და სუსტ მხარეებზე უნდა ვზრუნავდეთ, ვზრუნავდეთ მათი გამოსწორებისათვის — შინ და გარეთ. როგორც თქვენ იტყვადით, ჩვენც შეგვიძლია ამ საქმეში ცოტათი ხელი წავიკრაოთ. რა ვუყოთ, რომ ჩვენ ფარნაოზ ლომაშვილივით ისტორიის მეცნიერების კანდიდატი არა ვართ, ჩვენც არ გვივლია უქმად ვეროპაში. ასე რომ დიდილოგი ჩვენს შორის სწორედ მისწრება იქნება. ეს საპირთა ყოველთვის, ყოველგან და ყოველისფერში, კერძო თუ საჯარო ყნო საქმეში, მშვიდობიანი მოქმედებისა, თუ ცხარე ბრძოლების დროს მაგრამ დიდილოგი არა ანონიმური, ნიღბ ამოფარებული, არამედ ახდილი. თეთრზე შავად ხელის მოწერით, რომ შინა და გარე მყოფმა, ორივემ მოქალაქეობრივი პასუხისმგებლობა აიღოს ქარველი ვრისა და მისი ისტორიის წინაშე.

მ. კალანდარიძე.

## სოფლის მეურნეობის

### გამოუვალი კრიზისი

სტალინის სიკვდილიდან ექვსი თვის შემდეგ, ხრუშჩოვი გახდა პარტიის პირველი მდივანი და იმავე დროს მთავრობის თავმჯდომარე. მან მაშინვე ამცნო საბჭოთა ხალხებს და მთელს მსოფლიოს, სოფლის მეურნეობის ღრმა კრიზისი, რომელსაც საბჭოთა-კავშირი მუდმივად განიცდიდა კოლექტივიზაციის იძულებით გატარების დღიდანვე. ამის მიზეზი და დამნაშავე, მისი რწმენით, სტალინის უხეში ადმინისტრაციული სამეურნეო პოლიტიკა იყო. ხოლო ამდენხანს ამისი გამხელა საჯაროდ ვერავის გაებდა, თუმცა ყველამ კარგად უწყოდა. სიმართლის გამხელაკი ნიშნავდა კოლექტივიზაციის სახელის გატეხას. კოლმეურნეობის საბოლოოდ გაბახებას. ისევე «გამბედაობა», მართალია დაგვიანებით, ხრუშჩოვმა გამოიჩინა და პარტიის ყრილობას მოახსენა. რომ მცხოვრებთა გაზრდილ მოთხოვნილებას ჩვენი სოფლის მეურნეობა სათანადოთ ვერ აკმაყოფილებს, თავის დროზე ვერ ამარავებს, ამისათვის საპირთა სახანაეი ფართობის გადიდება და ყაშირი მიწების დამუშავებაო. ხორბლეულ-მარცვლეულობის ნაკლებობა შეტად საგრძნობია, განსაკუთრებით, სამრეწველ ორიაონებში პურის და ხორცის მოწოდება რეგულიალური და

საკმარისი არ არის. ცხოველების მოშენების საქმე ცუდად არის დაყენებული, მათი რაოდენობა ნაკლებია ვიდრე იყო ოქტომბრის რევოლუციის წინ. სტალინი და მალენკოვი ხალხს სინამდვილეს უმაღლედენ, უხვი მოსავლის შესახებ, ყალბ სტატისტიკურ ცნობებს აწვდიდენ, მაშინ როდესაც აუცილებელ საჭირო სურსათ-სანოვავის სიმცირე ყველას მიერ ცხადად შეიმჩნეოდაო.

ამის შედეგად, მთავრობამ გამოაცხადა მთელი რიგი დადგენილებებისა, რომელიც ცხოვრებაში უნდა გატარებულიყო, სოფლის მეურნეობის ჩამორჩენილობის გამოსასწორებლად. ეს დადგენილება ეხებოდა ხორცის და რძის ნაწარმოთა ფასების მომატებას, რომ ამით მესაქონლეები წახალისებით და დაეინტერესებით რათა ცხოველების გაზრდა-მოშენება გაორკეცებულიყო. მაშინ, ხრუშოვი საბჭოთა ხალხებს დაპირდა, რომ მთავრობის და პარტიის გადაწყვეტილება დაუყონებლივ სისრულეში იქნებოდა მოყვანილი და პური, ხორცი, კარაქი მომზადებულთ, რამდენიმე წლის შემდეგ, თავზე საყრელი ექნებოდათ. გავიდა დაპირებული ვადები, თავზე საყრელის რა მოგახსენათ, ხოლო ამ ძვირფასი, საჭირო პროდუქტების ნაკლებობა აშკარა იყო, თუ ყველგან არა, დიდ სამრეწველო ქალაქებში მაინც.

ხრუშოვის განპატივების შემდეგ, მათმა მეშვიდრეებმა ეკონომიური მდგომარეობის შესახები ცნობები გამოაქვეყნეს, რომელიც მაინცაღამაინც არც ბრწყინვალეა. გეგმის მიხედვით 1959-1965 წლების პერიოდისათვის სოფლის მეურნეობის პროდუქტია 70 პროც. უნდა გაზრდილიყო, ხოლო სინამდვილეში პროდუქციის მომატებამ 10 პროცენტს ძლივს მიაღწია. უკანასკნელ ათი წლის განმავლობაში წლიური გეგმა სრულად მხოლოდ სამჯერ იყო შესრულებული, დანარჩენი შეიდი წლის გეგმა დეფიციტური აღმოჩნდა. ბრეჟნევემა ამის გასამართლებლად, როგორც მისმა წინამორბედმა—ხრუშოვმა, არ დაასახელა გვალები და ცუდი ამინდები, არამედ სთქვა: სოფლის მეურნეობა მეტად სავალალო მდგომარეობაში იმიტომია რომ სამეურნეო გეგმა ვაგლახ დაწეცბათეობად იყო შედგენილი და პრაქტიკაში. უფრო ვაგლახ გატარებულიო. დაუსახელებლად, ამაში ბრალი მის წინამორბედს—პარტიის და მთავრობის თავმჯდომარეს დასდო. ესეც მიღწევად უნდა ჩავთვალოთ, რადგან ამის პრეცედენტი კომუნისტურ პარტიას არ ახსოვს.

საბჭოთა კავშირის ახლანდელი მესვეურები ამ მდგომარეობის დასაძლევად სხვადასხვა საშვალეობას სახავენ, მაინც არც ისეთ რადიკალურს, რომ კრიზისი ოდნავ შენელებულ იქნეს. საწარმოო კოოპერატივებს, კოლმეურნეობის და საბჭოთა მეურნეობის ხელშეღწეულებს, ისინი დიდი თანხებით დახმარებას პირდებიან, ე. ი. ხუთი წლის გასწვრივ მთავრობა



მათ განკარგულებაში 71 მილიარდ მანეთს გაიღებს. ამ მასიური ფულადი სახსარით მათ იმედი აქვთ სოფლის მეურნეობის პროდუქცია სათანადო ამაღლებულ დონეზე აიყვანონ და პერმანენტური კრიზისები ამით თავიდან აიცილონ. ხოლო ერთი დადგენილება და პერსპექტიული დაპირებანი სხვა რამეა ამ ვრცელი გეგმის შესრულება. რამდენი ამისთანა ფანტასტიური გეგმა იქნა გამომუშავებული და შემდეგ ჩაფუშული, ავას ვინ მოსთვლის.

სპეციალისტების გამოანგარიშებით ეს ასტრონომიული თანხები თითქმის უდრის იმ ოდენობას, რაც საბჭოთა მთავრობის მიერ ამ უკანასკნელი 19 წლის განმავლობაში, სოფლის მეურნეობის განვითარებისათვის იქნა დაბანდებული. საინტერესოა იცოდეს, თუ ჩვენ არა, კავშირის მოსახლეობამ მაინც, ბიუჯეტისან შემოსავლის რომელ წყაროდან შესძლებს მთავრობა მილიარდებით გადადებულ თანხების დაფარვას? ამის შესახებ ბრეჟნევი არავითარ განმარტებას არ იძლევა. რატომღაც ეს კარდინალური საკითხი ჩრდილშია დატოვებული და მიფუჩეხებული.

აქამდის კი ქვეყნის ინდუსტრიალიზაციის წარმატებისათვის კოლმეურნეებმა, მართალია, ბუზღუნით, მაგრამ მაინც მძიმე ხარკი გაიღეს. ამის შემდეგ ისინი სამართლიანად მოელოდნენ, რომ ამიერიდან მაინც სოფლის განვითარების და მათი მატერიალური მდგომარეობის გაუმჯობესების საკითხი პირველ რიგში დადგებოდა, რაც ამდენხანს მთავრობის ყურადღების გარეშე იყო დარჩენილი, რადგან სიმძიმის ცენტრი გადატანილი იყო მძიმე ინდუსტრიის უპირატესობაზე.

ბიუჯეტის უთანასწორო განაწილებაზე, მრეწველობისათვის უპირატესობის მიცემაზე, მეურნეობის შეთანაბრებული წონასწორობა დაარღვია, რაც გვიან იქნა შეჩჩნეული. კრიზისების დასაბამი და ღრმა მიზეზები თვით კოლექტივიზაციის პრინციპების არა ბუნებრივობის გარდა აქ უნდა ვეძიოთ, და არა გვალვებსა და პიროვნებათა უბერიობაში.

განა ხრუშჩოვმა ამ სამი წლის წინად არ მოიწადინა, რომ სოფლის მეურნეობას მოხმარებოდა სახელ მწიფო ბიუჯეტის იმ ხარჯების ერთი ნაწილი, რაც სამხედრო შეიარაღების და მძიმე ინდუსტრიისათვის იყო განკუთვნილი? იმ ხანებში, მან სწორედ იმავე ცენტრალური ორგანოებისაგან დასტური ვერ მიიღო და სოფლის მეურნეობა ძველ მდგომარეობაში დარჩა. კრიზისი უფრო ვალდებულა: ხორბლის მოსავალმა თანდათან იკლო, მთავრობა იძულებული იყო, დანაკლისი, ყბად აღებულ კაპიტალისტური ქვეყნებიდან შემოტანით დაეფარა.

ახლა განმეორებით აღნიშვნა, რომ კოლმეურნეთა შემოსავლის გადიდება აუცილებელია, არც არის ისეთი რამ, რაც წინააღ, ხრუშჩოვის მიერ არ ყოფილიყოს ათასჯერ ნათქვამი მის გრძელ ენაწყლიან მოხსენებებში. ყველას ახსოვს,

რომ ის ხშირად ამბობდა კოლმეურნეთა სტიმულისა და ინიციატივისათვის, საჭიროა მათი მატერიალური სარგებლობით დაინტერესებას, რაც მათ წაახალისებდა და სოფლის მეურნეობის პროდუქციის აღმავლობას შესამჩნევად გაზრდიდა. განა იმავე ხრუშჩოვმა, 1962 წ. ერთბაშად 25—30 პროც. არ ასწია ხორცის და რძის ნაწარმთა ფასები. რამაც როგორც ცნობილია მუშების და სხვა მომხმარებელთა უკმაყოფილება და ამბობებაც კი გამოიწვია, რაც სასტიკი ზომების მიღებით აღკვეცილ იქნა? საქმეს ვერც ამან უშველა, მწარმოებელ კოლმეურნეთა ინტერესი ვერც ამ მომატებამ გააღვიძა და მათმა ჯიუტობამ ნავარაუდები ზედმეტი მუშაობით პროდუქციის ბარაქიანობა დააბრკოლა და სრულებით ვერ გააუზღვა.

სამაგიეროდ, ახალმა ხელმძღვანელებმა ცოტა რამ მაიც დაუმატეს თავიანთ დადგენილებას: მათ დაგმეს ხრუშჩოვის მიერ ნაჩქარევად და გაუთვალისწინებლად გამსხვილებულ კოლმეურნეობათა უვარგისობა, რაც მოვლის და გამგებლობის საქმეს მეტად აძნელებდა და რასაც ზარალის მეტი არაფერი მოქონდა. მართლაც, ხრუშჩოვი ყოველთვის იყო გაერტიანებული დიდი სამეურნეო ერთეულის შექმნის მომხრე. ჯერ კიდევ, სტალინის სიცოცხლეშივე, 1950 წლიდან ის მოითხოვდა სამეურნეო კოოპერატივების გადაჯგუფებას და სოფლების აგრო-ქალაქებად (ქარხნულ წესზე) გარდაქმნას, სადაც კოლმეურნეები, მზგავსად ქარხნის მუშებისა, ხელფასის მიიღებდნენ, ხოლო მათ მიერ მოხვეჭილი პროდუქციის ბატონ-პატრონი კი სახელმწიფო იქნებოდა. ხრუშჩოვის ეს ფანტასტიკური და ნადრევი რეფორმა, სტალინმა არ გაიზიარა, ბატონ-ყმურ სისტემით მიიძინა და როგორც არა-მარქსისტული უარყო. განზრახული რეფორმა მალე დაეიწყებას მიეცა. როცა ხრუშჩოვი ხელისუფლებაში მოვიდა, ის კვლავ დაუბრუნდა თავის აგრო-ქალაქების შექმნის იდეას. სულ იმ ხანებში 250 ათასი კოლმეურნეობა იყო, ხრუშჩოვის დროს 40000 დაეიდა, ე. ი. ხრუშჩოვმა ნაწილობრივ განახორციელა თავისი რეფორმა და გაამსხვილა სოფლის მეურნეობის კოლექტივები. კოლმეურნეობის ეს კონცენტრაცია, რომელიც ხრუშჩოვის თაოსნობით დადგინდა, პროგრესიულად, თავის შინაგან წყობით, საბჭოთა მეურნეობას უნდა გათანასწორობოდა. ამ რიგად ისაბობდა წვრილი კოლექტიური მეურნეობა და წესდებოდა მთლიანი, საბჭოთა სახალხო მეურნეობა, რომელიც თითქოს უნდა ყოფილიყო მთელი ხალხის კუთვნილება. როგორც დაეინახეთ, ამ უნიადაგო რეფორმამ არცე დარევა შეიტანა სოფლის მეურნეობაში, უკმაყოფილება დაბადა და მომატების ნაცვლად, პროდუქციამ თანდათან იკლო, რაც მუდმივ კრიზისით დასრულდა. ბრეჟნევის მოხსენების თანახმად, ეს მძლავრი კოლმეურნეობები დაიყოფიან და კვლავ აღდგე-

ნილი იქნება ძველი რაიონული სისტემის წერილი კოლმეურნეობა.

ამასთანავე პარტიის პირველი მდივანი—ბრეჟნევი მოითხოვს, რომ სპეციალისტების ადგილობრივ კადრებს უფლება მიეცეს გამოცდილების მიხედვით, თვით გადასწყვიტონ და მოაგვარონ თავიანთი მეურნეობა, როგორც თვით საჭიროდ დაინახევენ. მათ შესაძლებლობა უნდა ჰქონდეთ, თავიანთი მეურნეობა შეუბოძველად, ნებაყოფლობით აწარმოონ და არა ზევიდან მოხვეული გეგმებით. მათ თვით უკეთ იციან, სად როგორი და რა დარგის კულტურები დანერგონ, ადგილობრივი პირობების მიხედვით. წინათ კი მათ ხრუშჩოვი, განუკითხავად, აიძულებდა, ყველგან, არახელსაყრელ კლიმატურ ზონაშიაც, სიმინდის კულტურა განეფითარებიათ, ხან აძალებდა, სამეურნეო ფართობის გავრცობის მიზნით, საძოვარი ადგილებიც კი მოეხნათ, რაც საკვების შემცირების გამო, საზიანო იყო პირუტყვების სულადობის მომატებისათვის.

შემდეგ ეს ექსტენსიური-გავრცობითი მეურნეობის სისტემა. დიდი დავიდარაბით, უარყოფილ იქნა, იმ მოტივით, რომ მან ნავარაუდევო შედეგი ვერ გამოიღო და მოულოდნელოდ, სრულიად მოუშაღებლად, ჭიმიური სასუქების მომარაგების გარეშე, ინტენსიურ მეურნეობაზე გადავიდნენ, რაც ნორმალურად, ჭიმიურ მრეწველობის უქონლობის პირობებში, ყოვლად წარმოუდგენელია. უებარ საშვალებად ვერც ნაუცბათებად წამოწყებული ინტენსიური მეურნეობა აღმოჩნდა, რადგან, როგორც მოგეხსენებათ, ჭიმიური მრეწველობის განვითარება, თუ მეტს არა, ათეულ წელს მაინც საჭიროებს. ისეთი ვრცელი ტერიტორია, როგორც საბჭოთა-კავშირია, ხელოვნურ სასუქების მთებს მოითხოვს.

ხრუშჩოვი სასტიკი წინააღმდეგი იყო სოფლის მეურნეობაში იძულებითი მეთოდის გამოყენების და დაჯერება-რჩევა-დარიგებას ხშირად მიმართავდა, მაგრამ იმავე დროს იძულებზეც უარს არ ამბობდა და კოლმეურნეებს დაუბოგავად აკრიტიკებდა, როცა ისინი სიმინდის კულტურის გაფართობას უარყოფდნენ, ან როცა ყანას ასვენებდნენ, ან ამინდვრებდნენ, რომ საქონლის გამოსაყვებად, საბალახოებიც ჰქონოდათ. საერთოდ ცნობილია, რომ ადმინისტრაციული ზომები მანებდა იყო ყოველგვარ მეურნეობაში და განსაკუთრებით, სოფლის მეურნეობაში. სამეურნეო გამგებლობის ბიუროკრატიული ცენტრალისტური სისტემა, საბჭოთა ხალხებისათვის მეტად მძიმე ტვირთია, რაც მათ ინიციატივას ბორკავს და გეგმის შესრულების საქმეს აბრკოლებს. შესაძლებელია კი ხრუშჩოვის შემკვიდრები ამ ტვირთის შემსუბუქებას, თუ ისინიც ისევე გადაყვებიან სოფლის მეურნეობის კრიზისის დაუძლეველობას, როგორც გადაყვა მათი წინამორბედი?

ხ რ უ მ ზ ო ვ ი, ამ ა თ ი წ ლ ი ს განმავლობაში, სოფლის მეურ-  
ნეობის კრიზისის დასაძლევად, წინააღმდეგობის ქსელში იყო  
გაზევეული და ლაბორინტიდან გამოსავალს ვერ პოულობდა,  
მიუხედავად დაჟინებულ ცდებისა. მისი ერთიმეორის საწი-  
ნააღმდეგო რეფორმები, მისმა მემკვიდრეებმა ყირაზე გა-  
დაატრიალეს. ხოლო, მთლიანად კოლმეურნების სისტემის  
საფუძვლიან შეცვლას ვერც ისინი ახერხებენ. პატარა-პატარა  
ნაბიჯებით, პალიატური საშვალეებით, ფიჭრობენ, დროებით  
მაინც, უილაჯობას თავი დააღწიონ, სანამ მათ წინაშე, კოლ-  
მეურნეობის დაშლის აუცილებლობა და კერძო, ერთპიროვნ-  
ული მეურნეობის შემოღების საპირობება არ დადგება. მათ-  
თვის სხვა გამოსავალი არ არსებობს: კრიზისის დასაძლევად  
ყველა კარები დახშულია.

ბ. ჯორაქაძე.

### ჩვენნი ღროის „სიბრძნე სიცრუისა“

ბატონ ბესარიონ ულენტს რომ ჯანმრთელი თვალები არა  
აქვს ყველამ იცის, ვისაც კი იგი ერთხელ მაინც უნახავს მაგ-  
რამ მას შემდეგ რაც რუსეთმა აღმოსავლეთ გერმანია და მისი  
ოპტიკური წარმოება ხელში ჩაიგდო, რუსეთში მშვენიერი  
ხარისხის სათვალეები იშოვება და სწორედ ერთ ასეთ სა-  
თვალეს ატარებდა პარიზში ჩამოსული ბ. ულენტი—მიუხე-  
დავად ამისა, მან აქ ისეთი რამ «ნახა» რომ ჩვენ, პარიზელი  
ქართველები ფრიად გაგვაკვირვა.

ჩვენს ტანჯულ ქვეყანაში დღეს ისეთი ზნეობა მეფობს,  
რომ კაცი ვერ გაიგებს ვინ რატომ რას ამბობს; ვინ გმორჩე-  
ნისათვის, ვინ თავის რჩენისათვის და ვინ თავის გადარჩენი-  
სათვის სტყუის; ვინ იძულებით, ვინ უმეცრებით და ვინ მი-  
დრეკილებით სტყუის. ერთიკი ცხადია: საბუთა საზოგადო-  
ებრივ ცხოვრებაში, სიმართლე დაუმახინჯებლად სინათლე-  
ზე გამოჩენას ძლიერ იშვიათად ბედავს.

საბედნიეროთ დღეს ისეთ ტრადიციას ადგილი აღარა  
აქვს, უდანაშაულო ხალხს რომ აიძულებდნენ თითონვე თავი-  
ანთვის სასიკვდილო განაჩენი მოეთხოვათ, ან აუტანელ შრო-  
მით თავს ძლივს რომ ირჩენდნენ იმ ხალხს რომ ამღერებდნენ  
რა საამო ცხოვრება გვაქვსო, ან სისხლით ხელზე დასვრილ  
ჯალათს ხოტბას რომ ასხამდნენ «ჩვენი ლაგერენტ ბერია»-ო.  
მაგრამ რადგან რეჟიმის მთელი სისტემა თავიდანვე სიცრუე-  
ზეა დაშენებული საბუთოეთში სიმართლის ობიექტიური ძებნა  
არც საპირობა ვინაიდან სიმართლეთ მხოლოდ ის არის მიჩ-  
ნეული რაც კომუნისმის აშენებას ხელს შეუწყობს. ეს ასე იყო  
თავიდან და დღემდის, მიუხედავად რეჟიმის სიმკაცრის შენე-  
ლებისა, ამ მხრივ არავითარ ცვლილებებს ადგილი არა აქვს.

ყოველივე ამან ათეულ წელთა განმავლობაში თვით აზ-

როვნებაზეც იმოქმედა და საბჭოთა მოქალაქენი სიმატლის დამახინჯებას იმდენად მიჩვეულნი არიან, რომ ამ ადამიანების ყოველდღიურ უბრალო საქციელსა და თავდაპირასაც კი კვალი აქვს დაშინებული. ამას ისინი თვითონ ვერც კი ამჩნევენ, მაგრამ ჩვენ, აქაურ ქართველებს ამდენი ხნის განშორების შემდეგ ეს ცვლილება მაშინვე თვალში გვეცა.

ამ მოვლენამ ყველაზე მეტად რა თქმა უნდა მწერლობაზე იმოქმედა—იმდენად რომ დღეს ჩვენში ნამდვილი აღრევა სუფევს: სერიოზული, სახუმარო, საქებარი თუ გამკიცხავი უარისა. ხოლო რაც შეეხება ისეთი სიტყვების წარა-მარა ხმა-რებას როგორცაა: გამოჩენილი, სასახელო, განთქმული, ცნობილი, სამაყო და სხვა ამგვარი. მათ ხომ გადაჭარბებულ ხმარებისაგან ყოველგვარი ფასი დაკარგული აქვთ. შორს რომ არ წავიდეთ მაგალითისათვის ბ. ჟღენტის იუბილეს გამო ეურნალ 1965 წ. «საბჭოთა ხელოვნება»-ს № 7 მოთავსებული ოთ. ეგაძის წერილიც გვეყავა. ეს წერილი თავისი ფორმითა და შინაარსით ტიპიური მაგალითია იმისა თუ რამდენად დაკარგულია დღევანდელ ქართულ მწერლობაში ზომიერების ნორმალური გაგება. ბ. ჟღენტის ნამდვილი და დამსახურებული ნამოღვაწარი არც იმდენად აბუჩად ასაგდება, რომ ამგვარი წერილის გამოქვეყნება ყოფილიყო საჭირო. აქაურ ნორმების მიხედვით ბ. ჟღენტის შესატყვის პირთგნებს არავითარ შემთხვევაში ასეთ უცნაურ რამეს არ დაუწერენ, საქართველოში კი ჩემი შენიშვნის ზოგ წამკითხველს გაუკვირდება და იტყვის «რა არის აქ უცნაური».

როდესაც ჩვენ ქართველ მწერალთა ჯგუფის პარიზში ჩამოსვლა გავიგეთ, ამ ცნობამ ჩვენს შორის განსაკუთრებული ინტერესი და აღუღვება გამოიწვია. ხუმრობა ხომ არ არის. ეს დაახლოებით იმასა ქვავდა. თანამედროვე აკაკი, ვაჟა, კორტა აბაშიძე, ივანე მაჩაბელი და ვთქვათ ჩუბინაშვილი რომ ჩამოსულიყვნენ—ეს შედარება ვინმემ ირონიით რომ არ მიიღოს, აქვე აღვნიშნათ, რომ თუ შედარება ცოტა არ იყოს მკრთალია, არც აქ დახედრია მათ გურამიშვილი, ვახუშტი ან ალ. ბატონიშვილი.

ჩვენი თავმოყვარეობა თავიდანვე შელახა იმ გარემოებამ, რომ ჩვენი ქვეყნის მაშტაბით ეგზომ მნიშვნელოვანი ხალხი, სრულებით უზნიშნელო და უცნობ რუსთა ჯგუფში არცული ვნახეთ. არც ის გაგვეხარდა რომ ამ მდგომარეობის მქონე ქართველები მოზარდ ტურისტების მზავესად შეგირდთა დისციპლინის ქვეშ ცხოვრობდნენ. მაგრამ რას ვიხამდით. აღბად ამასაც კომუნისტური მოითხოვს. მსოფლიოში ყველაზედ თავისუფალ ხალხს თავისუფლების გამომქლავნება რაში სჭირია. აკი ნათქვამია ყველაზე ცუდათ თერძს აცვიოა.

ქართველი ტურისტები აქ ადრეც ჩამოდიოდნენ მაგრამ ისინი უშეტესად ტექნიკოსები იყვნენ და რაოდენ საინტერეს-

სოც ყოფილიყო მათთან საუბარი, ჩვენს ცნობისმოყვარეობას ისინი ძუნწად პასუხობდნენ. ესლა კი შემთხვევა გვექონდა პოეტებისა და მწერლებისათვის მოგვესმინა და გულში ყოველ ჩვენთაგანს იმედი უღვივოდა, რომ ეს პირები, დღევანდელ საქართველოს ფიქრს რომ უნდა წარმოადგენდნენ, აქა-იქ, თავიანთ საუბარში, ისეთ რამეს გვეტყოდნენ, რის გავრეხვაც ჩვენს დაქრილ გულს მალამოდ დაედებოდა. მაგრამ ამოდ. არც ერთი, გაბედული კი არა, ოდნავ თავალმართული კაცის სიტყვა, არც ერთი დამარღვეველი ტონი დერეჟიმორდულ რეჟიმის ერთგულ სიმფონიაში. ჩვენ ვიხილეთ საკვირველი მოვლენა: უნაღვლო და უცრემლო პოეტები, რომელიც არაფერს სწუნობენ, არაფერს ებრძვიან, არავის ემუქრებიან; პარტიულ სახელსნაოში დამხადებულ ბედნიერებით კმაყოფილი ხალხი, რომელთაც არც პირადი, არც საზოგადოებრივი ხასიათის ჩივილი არ წამოცდენია. მათ ზედმიწევნით შეასრულეს პროლეტარულ სამეფოს აზნაურთა როლი და ჩვენ წარმოგვიდგნენ ვით უნაკლო აღნაგობის, რითმის საკინძი მანქანები, ფრიად ოსტატური დიქციით მოლაპარაკენი. ეს მსჯელობა, რა თქმა უნდა, მერმინდელია თორემ მათი მოსმენის დროს ჩვენს სულში გამეფებულ აღელვებასა და განცდების გამო ჩვენ ანალიზის ყოველივე უნარი წართმეული გვექონდა, მათი მოსმენა ჩვენ რეალურად გვაღელვებდა, და ზოგის თვალები მართლაც აცრემლდა.

უცნაური ამ მოსდით პარიზის ქართველებს ჩამოსულ თანამემამულეთა გამო. ყველას არაჩვეულებრივი ციებცხელება აიტაცებს და იღუმალი ძალა იქითკენ იზიდავს სადაც ეს ჩამოსულები არიან დაბინავებული. ეს მოვლენა სულ უბრალოდ რომ ავხსნათ: საყვარელ და მიუწვდომელ საგნის, თუნდაც ერთი მცირე ნაწილის ხილვის სურვილია. უმეტესობა ამ სურვილს ემორჩილება, მაგრამ ისეთებიც არიან რომელნიც ამგვარ შეხვედრას გაურბიან და როდესაც ცნობისმოყვარეობის გამო მე ამის მიზეზი ვეძიე, აღმოჩნდა რომ ესენი თავს იკავებენ რადგან სიამის განცდის გარდა, ძველი, აწ თითქმის მიძინებული, ტკივილის კვლავ აღძვრისა ეშინიათ.

პარიზელმა ქართველებმა ჩამოსულები ვახშამზე და-კაპტიყეს და აქ ჩვენ ბ. ულენტიის ნაამბობს ვერ ვეთანხმებით. ისინი დაპატივებული იყვნენ პოეტ ყიფიანის მიერ თავისი სახელით და არა პარიზელ ქართველ მწერალთა კავშირის მიერ. ამ კავშირის თავმჯდომარე იმ დროს იყო ბ-ნი ელისე პატარიძე, რომელიც ვახშამს არ დასწრებია და არა ბ. ვახშამილი, როგორც უცნაურად გვიამბობს ბ. ულენტი «ვახშამილის მავივრად ყიფიანი გემასპინძლობდა» ო (პურ-მარილზე მადლობაც ასეთი უნდა). ვახშამს დაეწერო ოცდა ოთხი სული და არა «სამოცამდე» კაცი. იმათგან რვა სტუმარი და თექვსმეტი მანსპინძელი რომელთა შორის ნახევარიც არ იყო მწ.

კავშირის წყვეტილი. წვეულება გაიმართა არა «ერთ მდიდრულ» რესტორანში, არამედ უუბრალოეს მუშა-მოსამსახურეთა სასადილოში. ყველა ეს ერთი შეხედვით უმნიშვნელო შესწორებები იმიტომ მომყავს, რომ მათში, რიგით პირველს, დიდი მნიშვნელობა აქვს. პარიზელ ქართველთა მწ. კავშირის ხსენებულ ჯგუფს ვერ დაჰპატიებდა, არა იმიტომ რომ ამის უფლება არა აქვს, არამედ სულ სხვა მიზეზისა გამო.

თუ პარიზში ქარ. მწ. კავშირი არსებობს ამის მიზეზი და გამართლება ის არის რომ ამ კავშირის თავისი იდეოლოგია და მიზნები აქვს, რომელსაც ამ კავშირში შეგავალი ხალხი ემსახურება. ეს იდეოლოგია და მიზნები აშკარად ეწინააღმდეგება, ჩვენს ქვეყანაში, ძალით, სხვა თესლის ხალხის მიერ შემოტანილ იდეოლოგიას. მაშასადამე თუ თქვენ მწერალთა კავშირის სტუმრები იქნებოდით, მაშინ ან ჩვენი სიჩუმი ჩვენს იდეოლოგიას ვულაატებდით ან თქვენ ისეთ რამეს გაიგონებდით, რისი პასიურად მოსმენის უფლებაც თქვენ არა გაქვთ. აი სიმართლე.

ჩვენ შეგნებულად თავს ვიკავებდით, რომ სადაო საკითხებს როგორმე ავცდებოდით, თორემ როგორ გგონიათ თვით წმინდა ლიტერატურულ სფეროშიც რომ დავრჩენილიყავით, ყოველი ჩვენთაგანი ხომ იმას ფიქრობს, რომ ვინაიდან პოეზია ცხოვრების ან ავტორის სულიერ ყოფის—თუნდაც რჩეულ სიტყვით და განსაკუთრებულ ხილვით—სახეა არის და ვინაიდგან ცხოვრება ან ადამიანის სულიერი განწყობილება არ შეიძლება პერმენენტულად ვარდისფერი იყოს, ისეთი პოეზია რომელიც გარემოს მუდამ და მხოლოდ უნაკლოდ და იდეალურად სახავს ხელოვნებაკი არა ხელობა არის, რომელიც შემკვეთელს შეკვეთის მიხედვით, კარგ ხელფასში კარგ საქონელს აწვდის.

ასევე, როდესაც კრიტიკა ნაწარმოების ობიექტიურ გარჩევა-შეფასების ნაცვლად, გენერალური ხაზიდან არ გადახვევის დარაჯია, იგი კრიტიკა კი არა ცენზურა არის.

ასეთი რამ თქვენთვის არავის უთქვამს და მიუხედავად ამისა აკი მაინც კჭონდა ადგილი რაღაც ინციდენტის მსგავს: ვიდრე ნონეშვილი თავის ლექს «ბიჟო იქნებ პაპა იყო შენი» წაიკითხავდა; განმარტა: ეს ყამირ მიწების გასატეხათ ქართველები რომ წავიდენ იქ დავწერო, ამაზე ვილაქ პარიზელ. მა შენიშნა «სულ უკან რომ გამოიპარენო»? უკაცრავად, ქართველი რასაც იტყვის კიდევ აასრულებს, არავინაც არ გამოპარულაო. უპასუხა ნონეშვილმა.

ამაზე იქნებ ზოგმა გულში გაიფიქრა, ბიჟოს, როგორ გამოცვლილა ქართველებით. მაგრამ არავის არაფერი უთქვამს. თორემ განა სათქმელი არ იყო? თუ დავუშვებთ, რომ ქართველმა ტრაქტორისტმა თურქესტანის მიწიდან ბორკილებიანი ძელები ამოჰყაროს და ის გადასახლებული სწორედ ქარ-

თველი აღმოჩნდეს, მაშინ ისიც ხომ ბევრად მეტად სავარაუდოა, რომ ეს ქართველი ნიკოლოზის დროს კი არა საბჭოთა დროის გადასახლებული იყოს. რადგან თუ ცარიზმის ხანაში ციმბირში გათხრილი ქართული საფლავები ერთეულებია, ვინ არ იცის რომ საბჭოებმა ასეთი საფლავები ათასობით ამრავლეს. და ესეც რომ არავის ეთქვა სულ მცირე შენიშვნის გამოც. ნონეშელი იძულებული იქნებოდა ემტკიცებია, რომ სრულებით ნორმალურია კახელი ბიჭი თურქესტანში ტრაქტორზე დალიდინებდეს, ხოლო ალაზნის ველზე სარატოველ ვანკების ბლავილი გაისმოდეს.

აი რატომ არ შეიძლებაოდა რომ პარიზელ მწერალთა კავშირის მოწვევით თქვენი დაპატიჟება. იმ კავშირს რომელსაც ერთი მხრივ მასპინძლად სთვლით და მეორე მხრივ დასციინით, სამასი წვერი ყოფილაო, ან ეს რიცხვი საიდან მოიტანეთ, როცა მეთადილაო. ხოლო რაც შეეხება აქაურ ქურნალისიტა ხარისხსა და მათში არსებულ მოწოდებას, ამაზე სრულიად მარტივი პასუხი: აქ ჩვენ იმდენად მოწოდებით კი არა ვწერთ, რამდენად უფრო მოვალეობით. შეიძლება ბედითი მწერალი დიდ საქმეს ემსახუროს, ხოლო დიდმა ტალანტმა თავი შაურათ გაჰყიდოს.

რასი სჯირია ბ. ქლენტს იმისი თქმა თითქოს მათი მოგზაურობის მიზანი საფრანგეთის «დღევანდელი სამეურნეო, პოლიტიკური და საზოგადოებრივ-კულტურული ცხოვრების გაცნობა» ყოფილიყოს. განა იმ პირობებში როგორც მათ იმოგზაურეს რამის გაცნობა შეიძლება? კრიტიკოსის მიერ წარმოთქმულ სიტყვებს მეტი სიზუსტე არ მოეთხოვება? ან რუსები ისე გაიკედენ, რომ თავიანთი მოქალაქენი ევროპის ცხოვრების გასაცნობად გამოუშვან? მაშ ენახათ როგორ გაიცნობ ბ. ქლენტმა საფრანგეთის სამეურნეო მდგომარეობა.

მან ინახულა პარიზის სანოვავის ბაზარი, სადაც იგი განცვიფრებაში უნდა მოეყვანა მის შიერ არასოდეს ნახულ სანოვავის გორებს და მათ ნაირ-ნაირობას. ამაზედ იგი არაფერს ამბობს, მაგრამ იმ მოვლენას, რომ პარიზში სანოვავის ჩამომტანი ვაჭრები თუ ფერმერები, გაუყიდავად დარჩენილ საქონელს იქვე რომ სტოვებდენ და რომ ამ სანოვავეს ხალხი აგროვებს. უმეტესად კურდღლების საზრდოთ, ნაწილობრივად თავიანთისაც, იგი ავიწიერს როგორც კაპიტალიზმის მიერ აღამიანის დაბეჩავეების შემზარავ სურათს. და მას თუ დაუჯერებთ, საფრანგეთის კაპიტალიზმს პარიზის მცხოვრებთა ერთი ნაწილი ღორების დონემდე დაუყვანია, რადგან ეს უბედურები თურმე იქვე უმად ყლაპავენ «ტალახში ამოსვრილ ნაფტკვანებს» და ასე გასინჯეთ, «პურის ნამცეცებსა-აც კი ჰქენკავენ ბელურებივით. ეს ხდება იმ პარიზში სადაც ძაღლს რომ მშრალი პური გადაუგდო, ზედაც არ დახედავს.

საფრანგეთში მუშა ხელის სინაკლულის გამო მილიონ



ნახევარი უცხოეთიდან ჩამოყვანილი მუშა მუშაობს. ყველაზე დაბალი კატეგორიის მუშას საათში სამ ფრანკ ნახევარი ეძლევა, ე. ი. რვა საათიან სამუშაო დღეში ოცდა რვა ფრანკი. ამ ერთი დღის ხელფასით მას შეუძლია იყიდოს 28 კილო. შაქარი ან შიკლი. თეთრი პური ან 15 ლიტრი საშუალო ხარისხის ლვინო ან ერთი წყვილი უბრალო ფეხსაცმელი და ასე შემდეგ, ეს ცნობები თუმცა საბჭოელ კაცს ზღაპრად მოეჩვენება, მაინც სწორია. შეიძლება ბ. ჟლენტმა ვინმე ლოთი და სიზარმაცით დამპალი ნაკაცარი მართლაც ნახა მაგრამ მისი კომენტარიები განა ნახულის სწორი გადმოცემა?

როდესაც იმ «მდიდრულ რესტორანში» «სამოც კაციანი» ნადიმი დასრულდა, შამპანიურის ბოთლები, რომელიც მენიუში შედიოდა და ჩვენ არც კი დაგვიღეფია, გაუხსნელად მაგიდაზევე დარჩა. ბ. ჟლენტმა ერთი მათგანი ილიაში ამოიღო და თან წამოიღო. ეს რომ დაეინახე ჯერ მეუცხოვა, დე პუტატი და ცნობილი კრიტიკოსისაგან, მაგრამ მაშინვე მომაგონდა ის დრო, როდესაც ბ. ჟლენტი და მისი მაშინდელი მეგობრები, ახალგაზრდა პოეტები, ხმაურით და «ანგლ ბით» რომ ცდილობდნენ ხალხისათვის თავის გაცნობას და ვიფიქრე: სჩანს მიუხედავად ყოველივე მის მიერ მას შემდეგ გადატანილისა, მასში კიდევ დარჩენილა ბოქმის ნაშთი მეთქი. რადგან მხოლოდ ამგვარად აიხსნება, ჩვენებურ მაყარის მიერ შამფურზე წამოცმულ მწვადის თან წამოღების მომაგონებელი ეს სიმპატიური ექსტი.

განაარ შეიძლებოდა ამ მოყოლილი ამბის სულ სხვა გვარად წარმოდგენა და ინტერპრეტაცია თუკი კაცი მოვლენათა ანალიზის დროს ლოიალობას არ გამოიჩენს?

კაპიტალისტსა და მუშის შორის, რა თქმა უნდა, განსხვავება არსებობს. პირველს თუ ორი ან სამი ავტომობილი აქვს, მეორეს მხოლოდ ერთი გააჩნია; პირველი აფრიკაში გაფრინდება შაბათობით სპილოზე სანადიროთ საწყალი მუშაკი კურდღლებზე ნადირობს. მდიდარი კაცი როცა მოგპოიანება მაშინ იღებს შევბუღებას და ხან ინდოეთში, ხან სამხრეთ ამერიკაში, ხან ავსტრალიაში მოგზაურობს. მუშაკი როცა მისი ჯერი მოვა ჩასვამს თავის ცოლშვილს მანქანაში და ევროპაში მოგზაურობით უნდა დაკმაყოფილდეს. კაპიტალისტი ისეთ რესტორანებში დადის სადაც ერთი სადილი დაახლოებით იმდენი ღირს (100 ფრანკი) რამდენის წამოღების ნებაც ყოველ თქვენთაგანს მისცა მშრომელთა ოფლით მოპოვებულ მილიარდებს მთვარის მოსატაცებლად რომ ხარჯავს იმ მთავრობამ, როცა თქვენი ჯგუფი «ევროპის ეკონომიკის გასაცნობად» გამოაგზავნა. ხოლო მუშა ისეთ სასადილოში დადის რომელშიაც თქვენ დაგპატივებს და რომელიც მთავრულად მოეჩვენათ ბატონო ბესო.

ბ-მა ჟლენტმა სასტუმროში აღმოაჩინა «12-13 წლის» უბე-

დური ბავშვი, რომელიც სასტუმროში ბარგის ტარებით ირჩენს თავს, რადგან მას სწავლის საშუალება არა აქვს და რა თქმა უნდა, ესეც კაპიტალიზმის ბრალია. ვინმესთვის რომ განმარტება ეკითხა, მას ეტყოდნენ, რომ საფრანგეთში 14 წლამდე სწავლა ყველასათვის უფასო და სავალდებულოა, ხოლო რაც შეეხება სასტუმროში ნახულ ბავშვს, მის მშობლებს თითონა აქვთ საქუთარი სასტუმრო და მათი შვილი უფრო დიდ სასტუმროში ხელობასა სწავლობს. სხვა არაფერი. ქართულ შეხედულებისათვის გაუგებარ ამ მოვლენას ახსნა სპირითი. საშუალო ფრანგისთვის სწავლა სოციალურ საფეხურზე ასევე საშუალებაა და არა თვითმიზანი, ასე რომ გლეხობის შექმნულ ფენებშიც ბავშვების უმეტესი ნაწილი 14 წლის ასაკში სწავლას თავს ანებებს, რადგან თავიანთი ცხოვრების მატერიალურ გაუმჯობესებისათვის, მათ სწავლა საჭიროდ არ მიაჩნიათ. ამ შემთხვევაში ქონებაკი არა ცხოვრების თავისებური გაგება სწყვეტს საკითხს. საფრანგეთში გლეხს ვერ ნახავთ ერთი ავტომანქანა მაინც არა ჰქონდეს, მაგრამ ალბათ სანთლით საძებარია ისეთი ოჯახი შინ პიანინო იდგეს. და ეს საუბედუროთ იმას არ ნიშნავს თითქოს ქართველებში მუსიკალური კულტურა უფრო მაღალი იყოს ვიდრე ფრანგებში.

პარიზი რომ «გარყვნილების ბუდეა» ეს უკვე დაღეპილი თემაა. საუბედუროდ ბ. ჟღენტე რასაც გვიამბობს იმისი ნახვის არც დრო და საშუალება არა ჰქონდა, თორემ ვაი რა სიამით ჩასძირავდა ბურჟუაზიულ ტბილ წუმბეში. ესლა კი იხგლისელ შინაბერასავით პურიტანულ სამოსელში გვევლინება. ეს მას რათქმა უნდა ცოდვათ არ ჩაეთვლება. «პიკანტუარი» რამეც ხომ უნდა უამბოს თავის მკითხველებს, ეტყობა ბულვარული ჟანრის მოთხროვნილება ჩვენში კიდევ არსებობს. საიდან მოიტანა ბ. ჟღენტმა, რომ ლევან ზურაბიშვილი თავისი უპარტიობის გამო არის კოლონიის თავმჯდომარეთ არჩეული? ბ. ზურაბიშვილი თითონ არის ერთ-ერთ პოლიტიკურ დაჯგუფების დამაარსებელი და ერთი უაქტივესი მომუშავე იმ საქმეში, რომელსაც ბ. ჟღენტი დამამტკირებელ ტერმინით რეაქციულ «გამოხტომებით» იხსენიებს.

ბ. ჟღენტმა რომელსაც დღევანდელ ქართულ კულტურის ასპარეზზე ფრიად მნიშვნელოვანი პოსტი უკავია. პარიზის ქართული ეკლესია ახსენა და ნაცვლად იმისა, რომ სინანულით ეთქვა, ოდესღაც მთელ მცირე აზია-ალმოსავლეთ ვეროპაში გაბნეულ ქართულ ეკლესია-მონასტრების მაგიერაოდღეს საქართველოს საზღვრებს გარეშე პარიზის ქართული ეკლესია ერთად ერთი ადგილია, სადაც ქართულ ენაზე წირვა სრულდებაო. ეს ჩვენი ეკლესია სალაყბოდ გადაგვიქცია და თურმე ამ ეზოში. სადაც არც საჯდომია, არც სახურავი, პოლიტიკური კრებები იმართება.



გიორგი ნოზაძემ მას მანქანიდან შენობა აჩვენა და უამბო აქ პ. იაშვილმა კედელზე ესა და ეს დასწერაო. ეხლა ბატონი ქლენტი ხალხს უამბობს: ამ წარწერამ ნახევარი საუკუნე გასძლო და კიდევ იკითხებაო. უბედურება ის არის რომ შენობის რესტავრაცია ბ. ქლენტის მოგზაურობის დროს ახალად დამთავრებული იყო. ასე რომ თუნდაც იგი იმ კედელთან მისულიყო, იმ წარწერას რა თქმა უნდა ვერ ნახავდა. აქკი გ. ნოზაძეს ხალხი ეკითხება ჩვენ რატომ არ გვიჩვენე ის წარწერაო.

ბ. ქლენტს რაღაც დემონსტრაცია უნახავს და რათქმა უნდა ზღაპრულ კომენტარიებს აკეთებს «პოლიცია უძღუერი აღმოჩნდა დემონსტრაციის მებრძოლი პათოსი შეენელებინაო». პოლიცია უძღუერი კი არ აღმოჩნდა, არამედ მას ნება არა აქვს ასეთ დემონსტრაციას წინააღმდეგს. რაც ბ. ქლენტმა ნახა ეს იყო მაგალითი იმისა თუ რამდენად რეალურია აქაური თავისუფლება და არა მხოლოდ ქალაქში დაწერილი, როგორც საბჭოეთში.

ემიგრანტულ კულტურულ მოღვაწეობას სერიოზული ხარვეზი ჰქონია: ჩვენ ვერ მოგვიხერხებია ქართული კულტურის ძეგლები თარგმანის საშუალებით უცხოელებისათვის გაგვეცნო. ქართული ემიგრაცია პოლიტიკური ემიგრანტებისაგან შესდგება და კულტურული მოღვაწეობა მის პირდაპირ მოვალეობას არც შეადგენს, მაგრამ თუ მხედველობაში მივიღებთ, რომ ასეთ მუშაობას ფრიად დიდი სახსარი სჭირდება, რაც აქაურმა ქართველობამ თავისი ღარიბი ჯიბიდან უნდა გაიღოს, ამ საქმეში ყოველ შემთხვევაში ღარიბმა ემიგრანტებმა მეტი გააკეთეს ვიდრე საქართველოს სახელმწიფომ და მისმა კულტურულმა ძალებმა, თქვენი მწერალთა კავშირის ჩათვლით.

ემიგრანტთა ფულით და შრომით გამოიკა ვეხის ტყალსანი, სიბრძნე სიცრუისა, ვისრამიანი, ორტომეული ქართული გრამატიკისა და ქრისტომატიკისა, ყაზბეგის «მოძღვარი». ჯავახიშვილის «ჯაყოს ხიზნები» და სხვა. არც ქურნალ «ბედი ქართლისა»-ს ბადალს ვიცნობთ ჩვენ «სუფერენულ» საქართველოში გამოქვეყნებულს. ხოლო ვეფხის ტყალსანის მეორე თარგმანიც აქედან ჩასულმა წულაძემ შეასრულა. და იგი როგორც ვიცით, ქართული სახსრებით კიარ გამოცემულა, პირიქით მთარგმნელმა აქაური პრემია მიიღო. რაც შეეხება გამსახურდიას დიდ ოსტატის მარჯვენას, ჩვენ დამბეზავების ნიშანია, რომ ავტორს მისი ნაწარმოების თარგმანის მეტი კონტროლის საშუალება არ მიეცა. თორემ ქართული რომანი განა რუსული თარგმანიდან უნდა გადათარგმნილიყო? ან ამ წმინდა კულტურული საქმის, ისეთი პოლიტიკური ქურნალის ხელში ჩავდება როგორც «ლუმიანიტეა» ამ წიგნის მკითხველთა წრეს რომ წინასწარ კომუნისტებით საზღვრავს, ეს ვინ არ იცის.

ზეპირი და უსაბუთო მტკიცებაა, თითქოს ემიგრაციაში ლიტერატურა საერთოდ ვერ გაიფურჩქნება. თუ პარიზული ჟურნალი კავკასიონი დიდ მხატვრულ სიმაღლეზე ვერა დგას, ამის უბრალო მიზეზი ის არის, რომ ამ ჟურნალის თანამშრომელთა დიდი უმრავლესობა მხოლოდ «მოყვარულებია» და არა პროფესიული მწერლები. თორემ მთელი რიგი არსებობს სხვადასხვა ეპოქებში მცხოვრებ მწერალთა, ანტიკურ დროიდან მოყოლებული დღევანდლამდე, რომელთაც შედეგები შეუქმნიათ. მხოლოდ ქართულ მაგალითებზე რომ შევიჩრდეთ: არც ზუბოვკა და არც ათონი საქართველოში არ მდებარეობენ.

ამ წერილის მიზანი ბ. ელენტის მიერ სიმართლის გაყალბებათა აღნუსხვა არ არის. როგორც დასაწყისშია აღნიშნული, ეს თვისება მთელს საბჭოთა საზოგადოებას ახასიათებს. ჩვენი მიზანია შევებრძოლოთ მხოლოდ იმ სავალალო შედეგებს, რომელთა მოტანაც ბ. ელენტის წერილს შეუძლია.

დაპყრობილი ერის თვალში ემიგრაციას ყოველთვის მომხიბლელი და სიმშპატიით შემოსილი სახე აქვს. ეს მოვლენა მით უფრო მეტი სიძლიერით ხდება რამდენად მეტად გაძნელებულია, მონობაში დარჩენილ ხალხსა და თავისუფალ ქვეყანაში გახიზნულ ემიგრაციას შორის ურთიერთობა. ხალხს უყვარს გახიზნული მისი შვილები, რომელნიც ქვეყნის შელახულ უფლებათა აღდგენისათვის ზრუნავენ. ხალხი ამ გახიზნულებზე მეტ იმედს ამყარებს ხოლმე, ვიდრე ნამდვილი ვითარების ცოდნის შემთხვევაში დაამყარებდა, რადგან გახიზნულსა და უცნობის გარშემო მუდამ მითი და ლეგენდა ითხზება. იმედის შენარჩუნების ეს წყარო, თუნდაც რომ სრულებით რეალობას მოკლებული იყვეს, დამონებულ ხალხისათვის დიდი შელავათის და დიდი პრაქტიკული სარგებლის მომტანია. რადგან იმედი გამძლეობის ერთი მთავარი ელემენტია.

აი ამ იმედის შესუსტებას ემსახურება ბ. ელენტის მიერ ნებით თუ უნებლიეთ გამოთქმული ყველაზე მაგნი შემდეგი სიყალბე:

«უქანასკნელ წლებში უცხოეთში მცხოვრებ ჩვენ თანამემამულეთა დიდი უმრავლესობის აზროვნება განწყობილ ებადაში სერიოზულ ძვრებსა და ცვლილებებს აქვს ადგილი. შეიძლება გარკვევით ითქვას, რომ ამ ქაზად პარიზში არსებითად აღარც კი არსებობს ქართული პოლიტიკური ემიგრაცია.»

შესაძლებელია აქ საქმე გვეკონდეს გაუგებრობასთან. რომელიც გამოწვეულია ჩვენი და ჩვენი სტუმრების ორმოცი წლის განმავლობაში სხვადასხვა პირობებში გატარებულ ცხოვრების შედეგად შექმნილ, ერთი მხრივ სხვადასხვა გვარ საქციელთან, და ამა თუ იმ მოვლენის სხვადასხვა გვარად გაგებასთან. ნუ თუ ბ-ნ ელენტს ჰგონია რომ რაკი ჩვენ იქაური

რეჟიმის წინააღმდეგი ვართ და რაკი აქ ამის თქმისა და გამომქალაქების უფლება გვაქვს, ყოველ მისაღებ თუ მიუღებელ ადგილას ამაზე ვიყვირებთ და იქიდან ჩამოსულს ყელში ვეცემით, როგორც ამას იქ გაბატონებული «მორალი» მოითხოვს.

ყოველ ემიგრანტს მშვენიერად ესმის ის სიძნელეები და შეზღუდვები, რომელნიც საქართველოდან ჩამოსულ ტურისტებს წინ ეღობებიან და თანა სდევნენ. ჩვენ ვიცით რომ რამდენად «უმტკივნეულოდ» ჩაივლის ჩვენთან შეხვედრები. იმდენად ნაკლებად გაძნელდება მათი განმტკიცებაც, და რადგან ჩვენი გულწრფელი სურვილია—როგორც ჩვენდა ასევე ჩამოსულთა სასიხარულოდ—ტურისტულ ჯგუფთა ჩამოსვლა რამდენადაც შეიძლება უფრო ხშირი იყოს, პარიზელ ქართველთა შორის დაუწერელ კანონივით მიღებულია ჩამოსულ ხალხთან პოლიტიკაზე საუბარი ავიცილიათ.

აი ამ შეკავებულ თავდაპირის შედეგი უნდა იყოს ის შთაბეჭდილება რომელიც ბ-ნ ელენტს მიუღია და რომელსაც «აზროვნებაში მომხდარ ძვრებს» უწოდებს.

მართლაც რომ სხვადასხვა გვარი კონცეპცია უნდა გვექონდეს. მონობასთან შერიგებას და უცხო მოძალადის შორჩილებას, თუ ეს მოხდება. «აზროვნებაში მომხდარი ძვრები» თუ პირიქით, აზროვნების დახლუნება ე. ი. უქრაობა დაერქმეოდა. როგორ შეიძლება კაცი თავისუფალი იყოს და აზროვნება სხვის ბრძანებას დაუმორჩილოს. როგორ შეიძლება კაცს სამშობლო უყვარდეს და უცხოელთა მიერ მის დამონებას შეურიგდეს.

მაგრამ ბ. ელენტმა რაიციის ჩვენებრი სამშობლოს სიყვარულისა, მას იგი არასდროს დაუკარგია,—ან თავისუფლების გამოყენებისა, მას იგი არასდროს ჰქონია.

პარიზის ქართველთა შორის ჯერ არც ერთ პირს არ ვამოუთქვამს ისეთი აზრი რომლის მიხედვით შეგვეძლო გვეფიქრა ბ. ელენტის მტკიცების საფუძვლიანობა. არც ერთი ქართველი აქ ისე არ მომკვდარა, რომ სიკვდილის წინ არ ეფიქროს «მე ვერ მოვესწარი მაგრამ სხვები მოვესწრებიან»—ო და ვაი იმ ქართველს ვინც თავის ფიქრში დაუშვებს. საქართველოს რუსთა მიერ პყრობის მარადისობას.

აქედან თავისთავად გამომდინარეობს: ემიგრაციაში მყოფ ქართველების შეხედულება ამ საკითხის მიმართ იოტის ოდენადაც არ გამოცვლილა. რადგან არ გამოცვლილა ის პირობები რომელთაც ხსენებული შეხედულება შექმნა: საქართველო კვლავ დაპყრობილია, თავისუფლების დაბრუნებისათვის ზრუნვის შეწყვეტა შეუძლებელია, და «დღეს იჭნება თუ ხვალ იჭნება ქართლს მიატოვებს რუსთ ხელმწიფება».

ეს რომ ასე არ იყოს სად ვაკონილა «ათიოდე მკითხველი-სათვის» იცემოდეს ჩამოდენიმე ეურნალი, როცა ყოველი

მათგანის ტირაჟი ათასი ცალია? ან საერთოდ აქ რას უზის ამდენი ხალხი თუ კი მათ საქართველოს დღევანდელი მდგომარეობა ნორმალურად და დამაკმაყოფილებლად მიაჩნია—რის მაჩვენებელია, რომ ვიქტორ ნოზაძე ამ გადახვეწილობაში მძიმე პირობებში მუშაობით მეცნიერულ ნაწარმოების ტომებზე სცემს. განა მას აწყვენდა ამ შრომებისათვის კონორარის მიღება? ან მისი მეცნიერული ნაყოფიერება იქ საქართველოში უფრო დიდი არ იქნებოდა?

ჩვენ აქ იმისათვის ვიმყოფებით, რომ ვემსახუროთ საქმეს რომელს ჩვენი გაგებით ქვეყნისათვის თავდადება, ხოლო ზოგიერთი გაგებით «გაშობდომა» ეწოდება; ქართული ემიგრაციას კვლავ ასე განაგრძობს და ღმერთი ჩვენს ქვეყანას ისეთ დაცემას არ არგუნებს, რომ მას მისი თავისუფლებისათვის მებრძოლი შვილები დაელოს.

ჩვენ ვიცით რომ ჩვენში საზოგადოებრივ ცხოვრების პირობები მძიმეა. მაგრამ სულ იმის ძახილიც არ შეიძლება «რაცნათ, რუსი მოგვერია»-ო. თუ გმირობა ყველას არ მოეთხოვება, არც უკიდურესი ძაბუნობაა სავალდებულო. გამარჯვებული რუსები ქართველთაგან შორჩილებას მოითხოვენ. მაგრამ რუსული ჩექმის ლოკვა არც ერთ პროგრამაში არა სწეოდა. არც ის არის სავალდებულო, რომ თითქმის ნახევარი საუკუნის შემდეგ, ისტორიულ მოვლენას, რომელსაც რამდენიმე ათასი კაცი შეეწირა, აჯანყების ნაცვლად, კაცმა, ვიღაც უღირსი რევკენის მიერ ოდესღაც შერქმეული «ავგისტოს ავანტიურა» უწოდოს. რომელ რუსს მოუვიდოდა ახრათ გრ. რობაქიძის დასამცირებლად სიტყვები «ქართლის ცხოვრება»-ში ვძებოს: «საშობლოსაგან განგდგომილი» ო. სამშობლოს განუდგა გრ. რობაქიძე თუ მის დამპყრობლებს. ბატონო ბესო? ვინ გავალბებ ვამთაღმწერელის ტერმინოლოგია აკიტპროპის სამსახურში რომ შეიყვანოთ?

ყოველივე ამის შემდეგ ყველა იმათ საყურადღებოთ, ვისაც ჩვენში თვალსაჩინო პოსტი უკავია ერთი ურთული იგავი მინდა მოვიყვანო:

ერთი ურთა თავის ცოლთან ერთად გზად მიმავალი, ავაზაქებმა გაძარცვეს და ცოლიც გაუუპატიურეს. საწყალი სასოწარკვეთილებას მიეცა. ცოლმა ნუგეშისცემა სცადა და ასე უთხრა: თავს ნუ მოვიკლავთ. რაც შეგვემთხვა ღმრთისაგან მოგვივიდოა. ქმარმა მწაოედ გაიღიმა და უპასუხა: ღმერთმა რაც გვიყო მეც ვიცი, მაგრამ შენ რომ შენს ნამუსის ამხდელებს ვნებით კოცნიდი ისიც ღმერთმა გვიყო განაო?

ჩვენს ქვეყანას რომ დამპყრობთა ბრალით დიდი ვაება შევემთხვა—ყველასათვის ცნობილია. მაგრამ ამ უბედურ ხანაში მტრის მიმართ ვინ როგორ იქცევა. ეს სხვა ამბავია.

მ. ქავთარაძე.

### მ. რ. უგუხუჩი გამოსვლა

ამ უკანასკნელი წლების მანძილზე, მეტად საკვირველსა და აოხრებელ მოვლენებს აქვს ადგილი, საქართველოსა და ქართველი ერის პოლიტიკურ სინამდვილეში:

საქართველოს კომუნისტური მთავრობის მეთაური თუ წევრი, დამპყრობელი რუსეთის მთავრობისაგან მიღებული განკარგულებისა და ბრძანების თანახმად, სრულის მონა-მორჩილებით ივიწყებენ იმ მეტად მნიშვნელოვან ეპოქას, როცა ქართველმა ერმა, 117 წლის მონობის შემდეგ, აღიდგინა ეროვნული თავისუფლება, შექმნა საკუთარი მთავრობა, კანონმდებელი ორგანოები და თავისუფალი-დამოუკიდებელი სახელმწიფო დააფუძნა; მოიპოვა ფაქტიური და იურიდიული ცნობა, მსოფლიოს დიდი და პატარა სახელმწიფოებისა და მათ შორის, თვით რუსეთის საბჭოთა მთავრობის მიერ და მსოფლიო სახელმწიფოთა ოჯახის სრულუფლებიანი წევრი გახდა.

ივიწყებენ, რომ თავისუფალ საქართველოს სახელმწიფომ, რამოდენიმე ომიც ჩაატარა მისი მიწა-წყლის დასაცავად ოსმალეთისა თუ სამხრეთით მდებარე სახელმწიფოთა და თვით საბჭოთა რუსეთის წინააღმდეგ, რომელმაც ქვეამეხებისა და თოფის ცეცხლით გადასწვა და ზღვასისხლში ჩაახრჩო, უსწორო-ძალთა ომში დამარცხებული საქართველო და მისი თავისუფლება. ივიწყებენ, იმასაც, რომ ხელახლად რუსეთის მიერ დაპყრობილმა ქართველმა ერმა, პირველი სამიწლის მანძილზე რამოდენიმე კუთხური და ბოლოს მთლიანი ეროვნული აჯანყება მოაწყო დამპყრობელთა წინააღმდეგ, რომელთაც რამოდენიმე ათასი ქართველი შეეწირა, ციხეთა სარდაფებში, ბრძოლის ველზე, თუ რუსეთის ციგქვეყნებში გადასახლებულნი. ივიწყებენ, იმასაც, რომ ეროვნული აჯანყების შემდეგ ათი წლის განმავლობაში რამოდენიმე შეთქმულება აღმოაჩინეს და საუკეთესო მამულიშვილთა ათეულები.— ცნობილ მწერალთა, პრაფესორთა, სამხედრო მეთაურთა— წამებრივის სიკვდილით სიცოცხლეს გამოასალმეს.

დაბოლოს ივიწყებენ იმასაც, რომ ქართველ ძველ კომუნისტთა მთელი პლეადა, რომელიც საბჭოთა რუსეთის ჯარებს წინ მოუძღოდა და სამშობლო დააპყრობინა, რომელიც სინიდისის ქველამ ქართულ-ეროვნულ ნიადაგს დაუბრუნა, ეროვნული თავისუფლებისაკენ გადაიხარა, ეროვნულ ლელონიზმი-ს პოზიციებზე დადგა და მოინდომა ერისათვის ოდნავი თავისუფლების დაბრუნება, თითქმის მთლიანად გახდა მსხვერპლი, მათ მიერ ჩადენილი მომაკვდინებელი შეცდომისა და დახვრეტლი იქმნა რუსების მიერ. მათ თავიანთი სიცოცხლით აგეს პასუხი ერისა და სამშობლოს წინაშე, ოდნავ მანქ გამოისყიდეს, მათ მიერ ჩადენილი მომაკვდინებელი დანაშაული.

წარმოუდგენელია და დაუჯერებელიც, ყველა ეს ისტორიული ამბები და ფაქტები არ ახსოვდეს, თუგინდ მამათაგან ნაამბობი მაინც იმ თაობას, რომლის წარმოშადგენლებმა შესცვალეს კომუნისტური პარტიის ძველი თაობის კადრი და დღეს მოსკოვის მიერ დანიშნულნი, ადგილობრივი მოურავის უფლებებით, მოსკოვისავე ბრძანებით, ვითომდა თავისუფალ-საქართველოს ყოფა-ცხოვრებას განაგებენ, და ქართველი ერისა და ხალხის სახელით ლაპარაკობენ.

«ქართველი ხალხის მრავალსაუკუნოვან ისტორიაში», — ბრძანებს საქართველოს ს.ს.რ.-ის უმაღლესი საბჭოს პრეზიდიუმის თავმჯდომარე ბ.ნი.გ. ძოწენიძე, «ისევე როგორც კოლხური სხ. ხალხის ისტორიაში, არის დაუეჩყარი თარიღები. ზოგის მოგონება ტკივილს გვრის, თვალწინ წარმოვიდგება დანგრეული და გაპარტახებული ჩვენი ქვეყანა, ქართველი მეომრების გააფთრებული ბრძოლები უცხოელ დამპყრობთა წინააღმდეგ, სამშობლოს თავისუფლებისა და დამოუკიდებლობისათვის. სხვა თარიღების მოგონება გულს ალაგვებს სითბოთი, სიხარულით და სიამაყით. ასეთ განსაკუთრებით სასიხარულო თარიღებს შორის არის 1921 წლის 25 თებერვალი, დღე, რომელმაც საქართველო მდებარე, თავისუფლება, დამოუკიდებლობა და ბედნიერება, ეს არის დღე, როცა ქართ-კვლმა ხალხმა თავისი უძველესი მცგებრის — იდიო რუსი ხალხის — დახმარებით საქართველოში საბჭოთა სეფისუფლები დაიპყარა». («სამშობლოს ხმა» 1965 წ. იანვრის ნომერი).

ღმერთო ჩემო!... რაშია საქმე? ნუ თუ წაკითხულის გაგების უნარი დავკარგე? გონებას არა სჯერა თვალის. რამოდენჯერმე ხელახლად გადავიკითხე გულდასმით. იგივე ამბავია. დავიბენი. მართლაც აუხსნელი მოვლენის წინაშე დავდექი. თავი სიზმარში მგონია. დაბოლოს ერთი ფრანგი მომეშველა და მითხრა: «ne cherche pas a comprendre. მაგრამ, მე ხომ ფრანგი არა ვარ. მაინც ვცდილობ დაეინებით წაკითხულის გაგებას, ამაოა. მაგონდება კომუნისტური პოლიტიკის გამოგონება, რომელიც იმ წაწყმედილ რეჟიმში ზშირ მოვლენას წარმოადგენს: Lavage de cerveaux, რომელიც ადამიანს შეხსიერებას უკარგავს. მაშ სხვაგვარად, როგორ ავხსნა ეს ფრიად ანორმალური მოვლენა.

მართლაც რომ, გონიერი და ჭკუადმყოფი ადამიანისათვის. წარმოუდგენელი, დაუჯერებელი და ოდიოზურზე-ოდინოზური ამბავია. რომლის ბადალი-ნიმუში უთუოდ არ მოიპოვება «ქართველი ხალხის მრავალსაუკუნოვან ისტორიაში». ნუ თუ სულით ავადმყოფთა სახლი არ არის ამ კურთხეულ ქვეყანაში, რომ ეს საბრალო ადამიანი, «თავისუფალი და დამოუკიდებელი» საქართველოს ეს ერთ-ერთი მეთაური შიგ მოათავსონ და განკურნონ!

«ქართველი ხალხის მრავალსაუკუნოვან ისტორიაში» მა-





რთლაც რომ მრავალი თარიღია, ქართველი მეომრების უცხოელ დამპყრობელთა წინააღმდეგ გააფთრებული ბრძოლებისა, სამშობლოს თავისუფლებისა და დამოუკიდებლობისათვის დაღვრილი წმიდა სისხლით ჩაწერილი; ერთერთი დაუვიწყარი თარიღია სწორედ ის 1921 წლის 25 თებერვალი, რომელმაც საქართველოს მოუტანა თავისუფლების, დამოუკიდებლობის დაკარგვა და თავს დაატეხა გლეხის ხარი და უბედურება. და ეს მოხდა, თქვენი სიტყვით რომა ვსთქვათ «უძველესი მეგობრის დიდი რუსის ხალხის». წითელი ჯარების საქართველოში შემოჭრით, თქვენი, კომუნისტური პარტიის გაბრყევებული მეთაურების წინამძღოლობითა და მეგზირობით, ბატონო ძოწენიძე.

აი რა მოვლენა არის, დათარიღებული, 1921 წლის 25 თებერვლით, რომელმაც თქვენის ავტორიტეტული სიტყვით, «საქართველოს თავისუფლება, დამოუკიდებლობა და ბედნიერება მოუტანა». ამ თარიღის მოგონება თქვენს გულს ალვისებს სითბოთი, და სიამაყით. ბარაქელა თქვენს ქართველობასა და მამულისშვილობას! ქართველი კაცის მეგრდზედ კი, 1921 წლის 25 თებერვლის თარიღი, იმ უსწარო ბრძოლებში, ქართველ მეომართა მიერ დაღვრილი სისხლითა და მათ დედათა ცხელი ცრემლებით არის აღბეჭდილი და დაკოდვილი გული შინი ცივი სუსხით იყინება, აღვისილია გოდებითა და მწუხარებით და ამავე დროს სამშობლოს უკეთესი მომავლის ურყევის რწმენითა და იმედით. თქვენთვის ეს თარიღი «საქართველოს გაზაფხულია», ჩვენთვის კი—საქართველოს სუსხიანი თებერვალია და ზამთარი. თქვენ, თქვენი «უძველესი მეგობრის რუსის ხალხის» და რუსეთის ნებით თუ უნებლიეთ მეგობარი და პატრიოტი ხართ, ჩვენ კი თქვენის წყალობით მათ მიერ დამპყრობილი საქართველოსი და ქართველი ერისა.

აი განსხვავება თქვენსა და ჩვენს შორის ცდომილთ თანამებმულე!

რაც შეეხება იმ თქვენს ეკონომიურ წინსვლას, რომლის შესახებ თქვენა ბრძანებთ თქვენს «საქართველოს გაზაფხულში». ამის შესახებ ამომწურავი წინასწარი პასუხი ვაგვეცით, ჩვენს წინა წერილში (იხილეთ «ივერია»-ს მე-11 №). მაგრამ, ორიოდ სიტყვით გვინდა ისევ მოგახსენოთ; ბრძანებთ ელმავლების წარმოების მხრივ საქართველომ საფრანგეთს გაუსწროაო.

საფრანგეთის რკინის გზის ლიანდაგზე ჯერ არ გვინახავს თქვენი ელმავლები. ის კი ვიცით. რომ ორი წლის წინ, საფრანგეთში—სახელდობრ, ბელფორის ორთქლმავლის სახელოსნომ, რამოდენიმე ორთქლმავლის შეკვეთა მიიღო, დაამზადა და ჩააბარა. ამისათვის საგანგებოდ ჩამოსულ, თქვენს ტეხნიკოს იჩენერთა კომისიას, ელმავლებს თუ ამზადებთ საფრანგეთზე მეტს, აქედან რათ მიგაქვთ ორთქლმავლები?

ბრძანებთ «საქართველოში ყოველწლიურად აწარმოებენ 11 მილიონამდე წყვილ ფეხსაცმელს; 55-ჯერ მეტს ვიდრე 1927—1928 წლებში. 22 მილიონ მეტრზე მეტ აბრეშუმის ქსოვსოვილებს..... 50 მილიონამდე მეტრ ბამბისა და 5 მილიონ მეტრზე მეტს შალის ქსოვილებს» ო. «მრეწველობის ასეთმა განვითარებამ საშუალება მისცა საქართველ ოს აქ გამოემუშავებული პროდუქციის ნაწილი გაგზავნოს ს.ს.რ. კავშირის ყველა რესპუბლიკაში და საზღვარგარეთის ბევრ ქვეყანაში» ო.

«ფიცი მწამს, მაგრამ ბოლო მაკვირვებს».

ვიმეორებ, მაგრამ მაპატიეთ. ნათქვამია «ერუსთემის ორ-ჯერ არა რეკავენ. მაგრამ თქვენ გვაიძულებთ კიდევ ერთხელ დაერეკოთ».

თქვენგან გამოსული არავინ გვინახავს ფარჩა-აბრეშუმისა და შალის ქსოვილებით შემოსილი. თქვენი საუკეთესო ახალგაზრდები, ცეკვისა და მომღერალთა გუნდი, მუსიკოსები—ქალი თუ კაცი, რომელნიც თავიანთი არტისტიული უნარითა და ტალანტით სახელს უხვევს ქართველ ხალხს მეტად ღარიბულათა და პრიმიტიულათ არიან შემოსილნი.

იქნებ მართალია, როგორც თქვენა ბრძანებთ, ამხადებთ მაგ რაოდენობის ფეხსაცმელს, ბამბის, მატყლისა და აბრეშუმის ქსოვილებს. მაგრამ ვისთვის ან რისთვის. გაგონილა რომ 11 მილიონი წყვილი ფეხსაცმელი არ ეყოს 4 მილიონ ადამიანს? იქნებ მართალია, როგორც ბრძანებთ, რომ მანდ გამოემუშავებულ პროდუქციის ნაწილს გზავნიოთ ს. ს. რ. კავშირის სხვა რესპუბლიკებში და საზღვარგარეთაც, რომ ზორბალი, სიზინდი და ქართოფილი შემოიტანოთ და მოსახლეობა სიმშლით არ ამოწყდეს.

ასეთია ბედი ყოველი ხალხისა, რომელიც ეროვნულ თავისუფლებას დაჰკარგავს და დამპყრობელის კოლონიად იქცევა აი «თავისუფლება-დამოუკიდებლობა და ბედნიერება» იმ საქართველოსი. რომლის ერთერთი მეთაური თქვენა ბრძანდებით ბ-ნო ძოწენიძე!

ასეთი «უინკის ზღაპრები», რომ მხოლოდ ჩვენთვის «საბრალო. მაწანწალა და მოხეტიალე» ემიგრანტებისათვის იწერებოდა, ჩვენი გათვითცნობიერების მიზნით გამოცემულ «სამშობლოს ხმის» ფურცლებზე, ყურადღებასაც არ დაეკარგავით, ხელს ჩავიქნევდით და ხარაბუხებს მოვიგერიებდით. ეროვნული თავისუფლებისათვის მეტრძოლი ქართული ემიგრაცია არც ისეთი მდაბიო შეგნებისაა. რომ ასეთი აბდაუბდა ლათაიებით გვასახრდოონ და მოგვატყვილონ.

მაგრამ უბედურება ისაა. რომ ამდაგვარი ანალოგიური ზღაპრებით ჰქვებავენ ეს ვაჟბატონები საქართველოში საექსპორტო რისიოთ ჩასულ უცხოელებსაც.

ასეთი მავალთები მეტად ხშირია. ჩვენ აქ, სანიმუშოდ

აღვნიშნავთ, მხოლოდ ერთ უკანასკნელთაგანს: გასული წლის დასაწყისში საქართველოში იმოგზაურა «საფრანგეთ-URSS-ის საზოგადოების» ერთერთმა თავმჯდომარე ბ-ნ რენე კაპიტანმა, რომელიც დიდსი ტრიუმფით იქნა მიღებული თბილისში «კულტურულ და მეგობრულ საზოგადოებათა კავშირის» მიერ, რომლის თავმჯდომარეა საგარეო საქმეთა (უფრო სწორად რომა ესტევათ ს. ს. რ-ის ფედერაციის კონსტიტუციის თანახმად—საქმეთა გარეშე) მინისტრი ბატ. არჩ. გიგოშვილი.

ბ-ნ რენე კაპიტანმა, საფრანგეთში დაბრუნების შემდეგ, ვრცელი წერილი უძღვნა საბჭოთა საქართველოს. და აი ჩა-სა სწერს:

«დასავლეთ ევროპისა და განსაკუთრებით ლუი მე-XIV-ისადმი მომართვის შემდეგ საქართველო, მე-XVIII საუკუნის ბოლოს, დადგა რუსეთის მფარველობის ქვეშ, ეკატერინე მე-II-ის მეფობის დროს. მე-XIX საუკუნეში რუსეთის იმპერატორმა მისი ანექსია მოახდინა და რუსეთის იმპერიას შეუერთა. დღეს ის რუსეთის საბჭოთა ფედერაციის ერთ-ერთი რესპუბლიკაა. საქართველოს რესპუბლიკა, ერთ-ერთი თვალსაჩინო მაგალითია იმისა, თუ რა არის საბჭოთა ფედერალიზმი. გარკვეულად, უყაყმანოდ შეიძლება ითქვას, რომ რუსეთის ფედერაცია არ ატარებს არავითარ ნიშანწყალს, რუსეთის მიერ საქართველოზე დომინაციისა და ასიმილიაციისას. იქუის გარეშეა, რომ ეს ორი რესპუბლიკა (რუსეთისა და საქართველოსი) ურთიერთისადმი დაკავშირებულნი არიან ფედერაციის შავარი ძაფებით, რომელიც კიდევ უფრო გამაგრებულ-გაძლიერებულია, კომუნისტური პარტიის ერთობით. იქვე გარეშეა, რევოლუციის მძაფრი სიმკაცრით, ინტელექტუალთა კლასი შეტის-შეტად დაზარალდა: საუკეთესო პოეტები დაზოცილ იქმნენ. მაგრამ ამით არ შეიძლება ითქვას რომ ადგილი ჰქონდა ან ახლა აქვს ადგილი დიდი რუსეთის დომინაციას ჰატარა საქართველოზე. ამ მოსაზრებითა და გამართლებით შეუძლებელია ითქვას, რომ საქართველოში ადგილი ჰქონდეს რუსეთის იმპერიალიზმსა და კოლონიალიზმს. ის ფაქტი, რომ ქართველი ჯულაშვილი-სტალინი შეუბრალებელი მეთაური და შეფი იყო რუსეთის საბჭოთა კავშირის, ყოველ ასეთ ბრალდებას აბათილებს».

«საქართველოს სასოფლო მეურნეობის კოლხოზები განსაკუთრებით ჩაის, მებოსტნეობისა და მელვინეობის დარგში, მნიშვნელოვან როლს თამაშობენ. ესენი არიან მთელი რუსეთის ბაზარზე უმთავრესი მიმწოდებლები»-ო. დასძენს ბ-ნი რენე კაპიტანი.

ბ-ნი რენე კაპიტანი ფრანგია. შვილი იმ კეთილშობილი ერისა და ქვეყნის, რომელმაც საბჭოთა რუსეთის მიერ საქართველოს დამარცხებისა და დაპყრობის შემდეგ, მიიღო—შეიფარა, მორალური და მატერიალური დახმარება აღმოუ-

ჩინა, სამშობლოდაკარგულ ქართველობას, თუ შეიძლება ითქვას, სამშობლოსნაცვლობა გაუწია, და საშუალებას აღწევს დაკარგული ეროვნული თავისუფლების აღდგენისათვის იმოქმედოს; დიდის თანაგრძობით ექცევა, ქართველი ხალხის მიერ ეროვნული თავისუფლებისათვის წარმოებულ ბრძოლებს. ეს კეთილშობილური მოვლენა, ჩვენც მორალურად გვაქვით დაუბრუნებს, კეთილშობილადვე მოვეცით, მისდაუნებლიეთ შეცდომაში შეყვანილ მის შვილს. მაგრამ ნებას მივცემთ ჩვენს თავს, ჩვენი ქართველი ხალხისა და იმავე დროს ფრანგის დიდი ღირსება-კეთილშობილების დაცვის ნიშნის ქვეშ, სიტყვა შეუბრუნოთ და ღირსეული პასუხი გავსცეთ ბ-ნ რენე კაპიტანის შეუფერებელ გამოხვლას.

ბ-ნი რენე კაპიტანი, თუ მეტი არა «კაპიტანია» «საფრანგეთ U. R. S. S-ის საზოგადოების». ცხადია, მას ამისდა შესაფერი სოციალ-პოლიტიკური შემეცნება გაგება აქვს და აქედანვე გამოდის, მის მიერ რუსეთის სინამდვილისა და მოვლენების დაფასებაც, მან მეტად მჩატე «თვითფრინავით», მიმოიფრინა საქართველოს, სქელი ღრუბლებით დაფარული, ეროვნულ პოლიტიკური სინამდვილე და იმდენადვე მჩატედ დააფასა. ვერ ჩასწვდა ფრანგულის სიღრმით, ჩვენი ხალხის მდგომარეობასა და არსებულ მწარე სინამდვილეს. მას გონების მხედველობიდან გამოეპარა, რუსეთის რევოლუციის პირველი წლები. და განსაკუთრებით საქართველოს დამოუკიდებელი ეროვნული სახელმწიფოს აღდგენა; მსოფლიოს თითქმის ყველა სახელმწიფოს მთავრობათა მიერ მისი «დეფაქტოთა და დეიურედ» ცნობა; საქართველოს დემოკრატიული რესპუბლიკის, მსოფლიო სახელმწიფოთა რიგში სწორუფლებიანი ჩადგომა და არსებობა; და რაც მთავარია, საბჭოთა რუსეთის, წითელი ჯარების მიერ, საქართველოზე მხაკერული თავდასხმა, რაც ქართველი ხალხის დამარცხებით დამთავრდა; რასაც ქართველი ხალხის რამოდენიმე და განსაკუთრებით 1924 წლის აჯანყება მოჰყვა. ყველა ამ მოვლენებმა, საკმაო გამოძახილი კპოვა უცხო ქვეყნებისა და განსაკუთრებით საფრანგეთის პარლამენტის სხდომებზე თუ ყოველი მიმართულების ფართე პრესაში. არ შეიძლება ეს მოვლენები არა სცოდნოდა ბ-ნი კაპიტანის ხნოვანობისა და პოლიტიკური მდგომარეობის კაცს.

«საქართველოს რესპუბლიკა, ერთ-ერთი თვალსაჩინო მაგალითია იმისა, თუ რა არის საბჭოთა ფედერალიზმი. გარაკვეოლად — უყოყმანოდ შეიძლება ითქვას, რომ რუსეთის ფედერაცია არ ატარებს არავითარ ნიშანწყალს, რუსეთის მიერ საქართველოზე დომინაციისა და ასიმილიაციისას. იქვს გარეშეა, რევოლუციის მთავარი სიმკაცრით. ინტელექტუალთა კლასი მეტისმეტად დახარაღდა; საუკეთესო პოეტები დახოცილ იქმნენ. მაგრამ ამითაც არ შეიძლება ითქვას, რომ

ადგილი ქონდა ან აქვს დიდი რუსეთის დომინაციას პატარა საქართველოზე». იმეორებს ბ-ნი კაპიტანი, მისი აზრისა და დებულების გასაძლიერებლად. (ალბად თავადაც იქვე ეპარება მისი შეხედულების სიმართლეს).

საქართველოში არსებულ რეალობაში გარკვევა, თუ ძნელი იყო ასეთი ხანმოკლე ზეგადაფრენის დროს, მას რომ ჩახედვა საბჭოთა რუსეთის ან საქართველოს კონსტიტუციაში, დაინახავდა თუ რა უფლებას ანიჭებს იგი საქართველოს საბჭოთა-სოციალისტურ რესპუბლიკას, რომელსაც ართმეული აქვს ყოველივე უფლება, შინაურ თუ საგარეო პოლიტიკისა, რომელიც ნორმალურ ფედერაციაში შეგავალ ერს უნდა ქონდეს; დაინახავდა რომ საქართველოს შინაური და საგარეო პოლიტიკის ყოველი მნიშვნელოვანი დარგის გამგე და მმართველი რუსეთია.

ბ-ნი კაპიტანი რომ საქართველოს მოსახლეობის წინანდელ და ახლანდელ სტატისტიკას, ოდნავ მაინც, გაცნობდა დაინახავდა, თუ როგორ ზომებს ღებულობს საბჭოთა რუსეთის, უფრო სწორად რომა ვსთქვათ, ველიკორუსეთის მთავრობა, ქართველი ხალხის რასიულ-ეროვნულ გადაგვარების მიზნით: ქართველების, რუსეთში გადასახლებისა თუ სამუშაოთ გადაყვანის გზით და მათ ნაცვლად საქართველოში, რამოდენიმე ასი ათასი რუსისა თუ სლავიანის ჩასახლებით. «დომინაცია» და «ასიმილაცია» წმინდა ფრანგული სიტყვებია და გარკვეულ შემეცნების თერმინებია, რომელნიც ქართველი ერისა და საქართველოს დღევანდელ მდგომარეობას ზუსტად უდგება და გამოსახავს.

«იქვის გარეშეა, რომ ეს ორი რესპუბლიკა (რუსეთისა და საქართველოსი) ურთი-ერთისადმი დაკავშირებულნი არიან, ფედერაციის მაგარი ძაფებით, რომელიც კიდევ უფრო გამაგრებულ-გაძლიერებულია კომუნისტური პარტიის ერთობით». ბრძანებს ბ-ნი კაპიტანი. ეს დებულება უფრო ახლოს არის სიმართლე-სინამდვილესთან, მაგრამ მეტად მკრთალია და სუსტი ეს გამოთქმა. უფრო მართალი და მაგარი იქნებოდა, რომ გავებდა და ეთქვა: ეს ორი რესპუბლიკა საქართველოსი და რუსეთის, ერთი მეორეზედ გადაბმულნი არიან წითელი მაგარი ჯაჭვით, რომლის ერთი თავის მარჯუნი ქართველი კომუნისტების ცოდვილის ხელით, საქართველოს კისერზედ არის გადაცმული, მეორე თავი კი მოსკოვის უჭირავს რკინის ხელში და მიათრევს სულთქმაშეკრულ ქართველ ერს რუსეთის და მსოფლიო კომუნისტების უძირო სისხლის ზღვაში. მაგრამ ამოდენა გავება ან გამბედაობა, ალბად, არ მოეთხოვება ბ-ნ კაპიტანს.

«შეუძლებელია ითქვას, რომ საქართველოში ადგილი ქონდეს რუსეთის იმპერიალიზმსა და კოლონიალიზმს. ის ფაქტი, რომ ქართველი კულაშვილი-სტალინი შეუბრალებელი

მეთაური და შეფი იყო რუსეთის საბჭოთა კავშირის, ყოველ ასეთ ბრალდებას აბათილებს»-ო. ბრძანებს ბ-ნი კავპიტანი-

ვიმეორებ, ის რომ საქართველო-რუსეთის ეკონომიურს და პოლიტიკურ-ადმინისტრაციულ ურთიერთობას გაცხო-ბოდა, ცენტრალურ ეკონომიური საბჭოს მიერ მოსკოვში შედგენილი სასოფლო-მეურნეობისა და მძიმე თუ მხატვ ინ-დუსტრიის გეგმებს, რომელიც სავალდებულოა ს. ს. რ. კავ-შირში მომწყვდეულ ყველა რესპუბლიკათათვის, დაინახავდა და დარწმუნდებოდა რომ დიდი რუსეთი არის მეტროპოლია და დანარჩენი მის მიერ დაპყრობილი ერები და ხალხები კო-ლონიები. რომელთა სასოფლო-სამეურნეო და მხატვ თუ მძი-მე ინდუსტრიის დარგები, სწორედ კლასიკური-კოლონი-ალური სისტემის მავთულებით არის დაკავშირებული დიდი რუსეთის მეტროპოლიასთან. ამ საკითხზე ჩვენ საქმად გვიწერია, და შორს წაგვიყვანდა გრძელი სტატისტიკური ცი ფრების მოყვანა. დავკმაყოფილდებით მხოლოდ მის მიერ დაწერილის ნიმუშად მოყვანიტ: «საქართველოს სასოფლო მეურნეობის კოლხობები განსაკუთრებით (ხაზი ჩვენია) ჩაის, მებაღე-მებოსტნეობისა და ჭეღვინეობის დარგში. მნი-შვნელოვან როლს თამაშობენ. ისინი არიან მთელი რუსეთის ბაზარზე, უმთავრესი მიმწოდებლები»-ო. წააგავს თუ არა ეს საფრანგეთის ყოფილი კოლონიების ალჟირ-მაროკო და სხვა-თა ყოფილ მდგომარეობას და მათ ურთიერთობას მეტროპო-ლიასთან? «ის ფაქტი, რომ ქართველი ჯუღაშვილი შეუბრა-ლებელი მეთაური იყო რუსეთის საბჭოთა კავშირისა, ყო-ველ ბრალდებას აბათილებს»-ო. ბრძანებს ბ-ნი კავპიტანი-

სამწუხაროთ მართალია, რომ სტალინი ქართული წარ-მოშობისა და მოდგმის იყო. მან თავის სამშობლოსა და ერს უღალატა და მის პარტიულ ამხანაგებთან ერთად საქართ-ველო რუსეთს დააპყრობინა. ველიკორუსეთს რომანოვების იმპერია აღუდგინა და გაუდიდა. მის მშობელ ერს სხვებზე მეტი ზიანი მიაყენა. აქამდე მიიყვანა ის ბოლშევიკურ-ინტე-რნაციონალურმა იდეებმა. «არ ქარის ოჯახი უმხინჯო»-ო, ნათქვამია. ვანა ამით შეიძლება გაზართლება საბჭოთა რუ-სეთის მეთაურობის, საქართველოსა და ქართველი ერის მი-მართ? მათ რომ ადამიანური მადლობის გრძნობა კჳონდეთ, საქართველოს ნამდვილ და რეალურ ავტონომიას მინც მის-ცემდნ.

ვანა კორსიკელმა ნაპოლეონ ბონაპარტმა არ შეუტენა სა-ფრანგეთს უფლიერესი იმპერია? მისი ნეშტი პარიზის ცენტრ-ში ენვალიდშია დასვენებული. და მის მშობელ მხარესაც პა-ტივისცემით ექცევიან და კოლონიად არ გადააქცევიან.

რუსებთმაკი სტალინის სამშობლო კოლონიად გადააქცია და სტალინის ცხედარიც ამოაგდო და კრემლიდან გააძევა-

ე. პატარაძე.

## საქართველოს პოლიტიკური მდგომარეობა

(დაპყრობიდან დღევანდლამდის)

(გაგრძელება)

საქართველოს დაპყრობამ მსოფლიოში ყოველ კუთხეში დიდი გამოძახილი კპოვა. კრემლის ვერაგულ საქციელს გმობდა მთავრობები, პარლამენტები, მუნიციპალიტეტები, საერთაშორისო ორგანიზაციები: ერთა ლიგა, ერთა ლიგის დამხმარე საზოგადოებანი, მეორე ინტერნაციონალი და სხვ., სოციალისტური პარტიები, გავლენიანი პოლიტიკური მოღვაწენი. დიდ ტანიანი გაზეთები აღფრთოვანებულ სტატიებს უძღვნიდენ და თანაგრძნობას უცხადებდენ და მორალურად ამხნევებდენ ქართველ ერს. ყველანი ერთხმად შოითხოვდენ ბოლშევიკების მიერ ჩადენილ ბოროტმოქმედების გამოსწორებას, საოკუპაციო ჯარების საქართველოდან გაყვანას და ერის დამოუკიდებლობის და სუვერენიტეტის აღდგენას. საპროტესტო რეზოლუციები ეგზავნებოდა მოსკოვის მთავრობას, სადაც მის მზაკვრულ თავდასხმას და ძალადობას საშარცხვინო ბოძე აკრავდენ.

ამის სავასუზოდ, მოსკოვის ინსპირაციით, საქართველოს საბჭოების პირველმა ყრილობამ თხოვნით მიმართა რუსეთის საბჭოთა მთავრობას არ გაეყვანა საქართველოდან საოკუპაციო ჯარები. ან ვის გაყავდა? ამ უცხო ძალების დაუნმარებლად ადგილობრივი ხელისუფლება ერთ დღესაც ვერ გასძლებდა.

რუმესიების მიზნით, პოლიტიკური პარტიების დასათურგნავად, საქართველოს დაპყრობისთანავე (1921 წ. თებერვლის ბოლოს) დაარსდა კონტრ-რევოლუციასთან, საბოტაჟთან და სპეკულაციასთან საბრძოლველი საგანგებო კომისია—«ჩეკა» (ეს იყო პირველი იმპორტი, პურის მაგიერად, რომელიც ქართველმა ბოლშევიკებმა საქართველოში შემოიტანეს). მეორე ნაბიჯი, რომელიც გადადგა საოკუპაციო მთავრობამ, იყო, ქართული ჯარის და სახალხო გეარდიის დემობილიზაცია. ცოტა ხნის შემდეგ სრულებით დაშლილად გამოცხადება. დაშლეს, აგრეთვე, საქართველოს «ბურჟუაზიული» დამფუძნებელი კრება. პოლიტიკური პარტიები გაუქმებულად გამოაცხადეს. თავისუფალი პრესა აიკრძალა. ძველი სამინისტროები გადაკეთდა ახალ მმართველობის ორგანოებად, ჩამოყალიბდა, მზგავსად რუსული ბოლშევიკური ყაიდის—სახალხო კომისარიატები და რევოლუციონური კომიტეტები.

1921 წ. (6 აპრილის დეკრეტით) მიწაზე კერძო საკუთრება მოისპო. მიწები სახელმწიფოს ფონდში გადაიბრცხა და დროებით უსასყიდლოდ გლეხებს გადაეცა, ნატურალური გადა-

სახადის დაწესებით. ამავე წლის ივლისში მოხდა მრეწველობის ნაციონალიზაცია. არსებულ სოციალურ და შრომის კანონებს მეტი არაფერი მიმატებია, რადგან 8 საათის სამუშაო დღე უკვე არსებობდა. არსებობდა აგრეთვე შრომის დაცვის ინსპექცია და სხ.

ასევე, საქართველოს დაპყრობას დაემთხვა რუსეთში ახალი ეკონომიური პოლიტიკის (ნეპის) გატარება (1921 წ. ივლისი-აგვისტო). ახალი ეკონომიური პოლიტიკით დაშვებული იქნა თავისუფალი ვაჭრობა. საბჭოთა რუსეთში დაუკრახინაში სიმშვილი მძინვარებდა. ადგილი ჰქონდა გლეხების ამბოხებას და რომ ეკონომიური კრიზისი დაძლეული ყოფილიყო. ხელისუფლება იძულებული იყო დათმობაზე წასულიყო, როგორც უცხოეთის, ისე შინაურ კაპიტალიზმთან: საპირფარო დარბაზური კაპიტალისტურ საწარმოებთან გახსნა, არაუმეტეს 20 მუშის რაოდენობით, აგრეთვე მიწის იჯარის და დაქირავებული მუშახელის გამოყენება კერძო მესაკუთრეთა მიერ. ჭიათურის მარგანეცის მრეწველობა ახალი ეკონომიური პოლიტიკის საფუძველზე კერძო კაპიტალისტური გაერთიანების ხელში დასტოვეს. წვრილი საწარმოები იჯარით გადასცეს კოლექტივებს და კერძო პირებს. ეს იყო დროებით კაპიტალიზმისაკენ დაბრუნება, რომ თავიდან აეცილებოდა მუშების და გლეხების მასიური ამბოხებანი და კონტრრევოლუციონური გამოსვლები.

საქართველოს დაპყრობის წლის თავზე (1922 წ. თებერვალი) საბჭოთა ყრილობამ მიიღო საბჭოთა საქართველოს პირველი კონსტიტუცია. უფრო სწორად, ყრილობას დიდი დრო არ დაუხარჯავს კონსტიტუციის გამოსამუშავებლად, ის რუსეთის საბჭოთა კონსტიტუციის ზუსტ თარგმანს წარმოადგენდა, სულ უმნიშვნელო ცვლილებების შეტანით. ქართულ მუშებს და გლეხებს უამრავი, ფიქტიური უფლებები ჰქონდა მინიჭებული, სინამდვილეში, რეალურად სრულებით არაფერი, ისეთი, რომელიც უზრუნველყოფდა მათ ნორმალურ ცხოვრებას. მაგალითად, შრომის უფლება ყველას ჰქონდა, მხოლოდ სამუშაო არსად იყო. ვინც სამუშაოს მოულობდა, ისიც ძალიან მცირე ხელფასს ღებულობდა, თავის ოჯახის რჩენა ამ ხელფასით ძნელი იყო. მკურნალობაც და წამლობაც უფასო იყო, მხოლოდ წამალი არსად იშოვებოდა. მუშას ფორმალურად ყველაფრის უფლება ჰქონდა, ხალხი დუხჭირ ცხოვრებაზე უკმაყოფილების გამოთქმა სასტიკად აკრძალული იყო. ინდივიდუალურ თავისუფლებასზე ლაპარაკიც ზედმეტი იყო. შრომის პირობები, პირდაპირ ჯოჯოხეთს წარმოადგენდა. რაიმე პროტესტის გამოცხადება დაპატიმრებით და გადასახლებით ისჯებოდა. მოკლედ, კონსტიტუცია მშრალი, ფორმალური ხასიათის იყო, ქვეყანა უფლებათა მიხედვით კი არ იმართებოდა, არამედ პოლიციურ იძულებით.



ბით წესებით. ყველანი განუკითხავად, უსამართლოდ ისჯებოდნენ «ჩეკის» მიერ, ხშირად სასიკვდილო განაჩენითაც.

პირველი კონსტიტუციის მიხედვით, საქართველო დამოუკიდებელი საბჭოთა სოციალისტური რესპუბლიკაა, ის ჯერ კიდევ არ შედის საბჭოთა რუსეთის ფარგლებში, ფაქტიურად, ის ყოველმხრივ მოსკოვის ცენტრზეა დაქვემდებარებული და ადგილობრივი ხელისუფლება ყოველივე მის ბრძანებას უსიტყვოდ ასრულებს. ხოლო კრემლი თავდარიგს იჭერს და შეუფერხებლად, ახლო მომავლისთვის ამიერ-კავკასიურ ერების ფედერაციის შექმნის ნიადაგს ამზადებს, რომ შემდეგ, ამიერ-კავკასიის ფედერაცია დაუყოვნებლივ შესულიყო საბჭოთა რუსეთის კავშირში, ან როგორც ლენინ-სტალინი ფიქრობდნენ, შეერთებოდა-შერწყმოდა დიდ რუსეთის სოციალისტურ რესპუბლიკას.

რით ასაბუთებდნენ ამიერ-კავკასიის ფედერაციის საბჭოთა რუსეთის კავშირში შესვლის აუცილებელ საპირობებს? რა მოტივით იყო გამოწვეული ეს გაერთიანება? თუ მათ დაუჯერებთ. ვითომც ამ ერებს—ადერბაიჯანს, სომხეთს და საქართველოს, არ შეეძლოთ საკუთარის სახსრებით, საკუთარის რესურსებით დანგრეული მეურნეობა აღედგინათ. არ შეეძლოთ არც სავარყო საშიშროების უზრუნველყოფა. ცალკე სეპარატულ არსებობის პირობებში, ეს ყოველად შეუძლებელი იყო.

ამიერ-კავკასიის ფედერაციის შექმნის მოტივებს, ჩვენ ქვემოთ უფრო დაწვრილებით შევხებით, ახლა, აქ მოკლედ აღვნიშნავთ. კონსტიტუციით, თუ როგორი იყო ქართველი ერის—ძმრავალ ეროვნებათა ერისა,—სტრუქტურა, ან რა ფიქტიური იურიდიული სტატუსით სარგებლობდა საქართველოში ეთნიურ უმცირესობათა შემადგენლობა? როგორც ცნობილია, მოსკოვის ზეგავლენით, დაძალებით, განზრახული იყო შეექმნათ: აფხაზეთის დამოუკიდებელი რესპუბლიკა, საქართველოს ფარგლებს გარედ. ასევე—აჭარის ავტონომიური რესპუბლიკა და ოსეთის ავტონომიური ოლქი. ყველა ეს ავტონომიური რესპუბლიკები, ისე როგორც საქართველოს რესპუბლიკა ნომინალურად იქნებოდა—დამოუკიდებელი და ავტონომიური. ხოლო სინამდვილეში უფლები აყრილი და მათი ბედ-იღბლის გამგე, მათი სიმდიდრის, მთავარი რესურსების განმკარგულებელი, მიმთვისებელი, რაღა თქმა უნდა, მოსკოვი იქნებოდა.

საერთოდ, ქართველ კომუნისტების და განსაკუთრებით ნაციონალ-უკლონისტების სასახლოდ უნდა ითქვას, რომ ისინი შეუპოვრად წინააღმდეგენ, როგორც ამიერ-კავკასიის, ისე საქართველოში ავტონომიურ ერთეულების შექმნას, ხოლო ლელო ვერ გაიტანეს და დამარცხდნენ.

ერთხანად, ცენტრს და საქართველოს კომუნისტურ პარ-

ტიის შორის დამოკიდებულება ისე გამწვავდა, რომ ღენინი იძულებული იყო სტალინი თბილისში გამოეგზავნა საქმეების მოსაგვარებლად, ე. ი. ურჩი ოპოზიციის ყოველგვარი საშუალებების გამოყენებით დაძლევა-დასასწობათ. სტალინმა ეს დავალება ბრწყინვალედ შეასრულა: მან, თავისებური უხეშობით, უცვრემლიოდ დაარბია და დაშალა საქართველოს ცენტრალური კომიტეტი და მისი პოლიტიკური ბიურო, ძველი მებრძოლი კომუნისტები პარტიის ხელმძღვანელობიდან და ხელისუფლების პოსტიდან მოხსნა და მათ მაგიერ სრულებით უსახელო და უცნობი პირებისაგან შექმნა პარტიის ახალი მეთაურობა, ჩეკისტებისა და კარიერისტებისაგან. ოპოზიციის უდიდესი ვადეენით და დატუქსვით, სტალინმა საქართველოს კომუნისტურ პარტიას თავზე მოახვია მოსკოვის ერთგული, მორჩილი, უსულო და უგულო, ზედმოქმედების მძიმე აპარატი. ამ სიმძიმის ქვეშ, მართალია, ქართველი კომუნისტები მოიხარა და მოიღუნა, მხოლოდ არა ლაჩრულად და არა გაუბრძოლებლად.

ამიერიდან, მოსკოვისათვის ძნელი აღარ იყო, საქართველო ისე ემართა, როგორც ეს შეეფერებოდა საბჭოთა რუსეთის იმპერიალისტურ და კოლონიურ ინტერესებს. მამასადაამე, ოპოზიციის განადგურების შემდეგ, მოსკოვის ბრძანებით, ქართველი ერის ეროვნული ინტერესების წინააღმდეგ და საზიანოდაც, შეუდგენ ამიერ-კავკასიის ფედერაციის შექმნის მზადებას, აგრეთვე, შიგნით, საქართველოში ავტონომიურ ერთეულების ტერიტორიალურ გაზიჯვანას. 1921 წ. (ივნისის) დადგენილებით, რაც შემდეგ კონსტიტუციაში იქმნა შეტანილი, აპარას მიენიჭა ავტონომიური უფლებები, რაც თურმე (როგორც შემდეგ გამოირკვა) გათვალისწინებული იყო თურქეთ-საბჭოთა რუსეთის საიდუმლო ხელშეკრულებით. ამ ხელშეკრულების ძალით თურქეთმა უფლება მოიპოვა ბათუმში საკონსულოს დაარსების და წარმომადგენელი ყოლოდა აპარის ავტონომიურ მთაგრობასთან. მაშინ, სხვადასხვა მიზეზების გამო, საკონსულოს დაარსება არ მოხერხდა დიდი ხნის განმავლობაში, ხოლო ვასულ წელს (1963 წ.), თურქეთს ბათუმში საკონსულოს დაარსების ნება დართეს. ალბათ თურქებმაც ამის სანაცვლოდ სამაგიერო მიუხდეს.

ამავე დროს სამხრეთ ოსეთის ავტონომიური ოლქი შეიქმნა. ოსეთის ფარგლებში მოაქციეს თითქმის ნახევარი ქართლი. პირველ ხანებში ცდა იყო სამხრეთ ოსეთი ჩრდილოეთ ოსეთისათვის შეეერთებიათ. მოსკოვის ეს ცდა სამარცხვინოდ ჩაიშალა ქართველი კომუნისტების გაბედული წინააღმდეგობის გაწევით და ქართველი ეროვნული წრეების ენერგიული და აღმფლეთებული პროტესტის გამო.

კიდევ, გაცილებით უფრო დიდი დანაშაული იქნა ჩადენილი საქართველოს მიმართ, რაც უდაოდ ლალატს უდრის:

აფხაზეთი დამოუკიდებელ რესპუბლიკად გამოაცხადეს (1921 წ.), და ამით საქართველოს ტერიტორიალური მთლიანობა დაარღვიეს, შექმნეს პრეცედენტი აფხაზეთში სეპარატისტული მოძრაობის.

აფხაზეთი, მუდამ საქართველოს განუყოფელი ნაწილი იყო. თუმცა, ისტორიულად ყოველთვის ცალკე სამთავროს წარმოადგენდა. მაგრამ პოლიტიკურ-კულტურულ მქიდრო ურთიერთობაში იმყოფებოდა საქართველოსთან, მთელი საუკუნოების განმავლობაში, როგორც ერთ-ერთი ქართველი ტომი. ჯერ ძველი მონარქიული რუსეთი შეეცადა მისი საქართველოდან ჩამოშორებას, მაგრამ ამოდ, რადგან ის წააწყდა ქართველი ერის ერთსულოვან წინააღმდეგობას, ხოლო, მაინც შესძლეს იქ ჩამოესახლებიათ რუსების, სომხების, ბერძნების და სხ. კოლონისტები, რომ შეეცვალათ მისი ეთნიკური შემადგენლობა და ამით დაესუსტებიათ ქართველი ერის პოზიციები, სადაოდ გაეზადათ საქართველოს ეს უღამაზესი და უმდიდრესი პროვინცია.

პირველ ხანებში, აფხაზ-კომუნისტებს აიძულებდენ, რათა აფხაზეთი საბჭოთა რუსეთის ფარგლებში შესულიყო, როგორც ცალკე მოკავშირე რესპუბლიკა; აქაც მათ მხრივ (აფხაზ-კომუნისტების მხრივ) საბჭოთა ხელისუფლება კიდევ უფრო მეტ წინააღმდეგობას წააწყდა და მრავალი დაბრკოლების შემდეგ, თვით კომუნისტურმა პარტიამ (ამიერ-კავკასიის ბიურომ—1931 წ.) და აფხაზეთის ქართველმა მოსახლეობამ მიზან-შეუწონლად აღიარეს მისი საქართველოდან ჩამოშორება და სათანადო ხელშეკრულებით აფხაზეთი საქართველოს ტერიტორიალურ შემადგენლობაში დაბრუნდა, ამ ეამად არა როგორც დამოუკიდებელი—არამედ როგორც ავტონომიური რესპუბლიკა, რაც ბუნებრივი და აუცილებელი იყო.

სწორედ, ამვე ხანებში, დაპყრობისთანავე, მოსკოვის ზეგავლენით—დაძალებით, მონდა საქართველოს სახელმწიფოებრივ ტერიტორიის ჩამოჭრა და სხვებზე გასაჩუქრება. ყარსის ხელშეკრულებით თურქეთს გადასცეს ართვინის, არტანუჯის, არტაანის და ახალციხის მაზრის მთორდილი ნაწილი. ადერბაიჯანს მიაკუთვნეს ზაქათალის ოლქი (საინგილოს დიდი ნაწილი). სომხეთს,—ლორის, ბამბაკის და ალავერდის უბნები. დაუთმეს.

ქართველი ერის მიწა-წყლის განსხვისებამ. ქართველ საზოგადოებაში დიდი აღშფოთება გამოიწვია და საბჭოთა რუსეთის ხელისუფლებას პროტესტით მიმართეს ნაციონალურად განწყობილ ქართველ კომუნისტებზე (ნაციონალ-უკლონისტებზე), ეს უკმაყოფილება დასაჯაროდ გამოთქმული პროტესტი თავის გავლენას ახდენდა. ამით გამხნვევებულნი. ისინი საბჭოთა და პარტიულ ყრილობებზე, ხშირად ოპოზიციონურ გამოსვლებს აწყობდენ, მაგრამ უშედეგოდ, რადგან მა-

თი ბრძოლა უკვე დაგვიანებული იყო, მოსკოვის ისტორიის ბორბალი მათ წინააღმდეგ მძიმედ ტრიალებდა და ისინიც ამ ბორბლის ხრახნილში შეუბრალებლად იქცეოდნენ.

შემდეგ წერილებში ჩვენ შევეხებით, თუ როგორ შეიქმნა და დაიშალა ამიერ-კავკასიის ერების ფედერაცია და როგორ გახდენ ისინი საბჭოთა რუსეთის მოკავშირე რესპუბლიკები, თუ როგორ შესრულდა ლენინ-სტალინის წადილი—ერთა შერწყმისა. ვითომც დიდ საბჭოთა რესპუბლიკასთან—რუსეთთან, «ნებაყოფლობით შეერთებისა», როგორც «თანასწორ-უფლებიან» ერებისა. ჩვენ აგრეთვე განვიხილავთ 1936 წ. სტალინის ეპოქის, მსოფლიოში «ყველაზე უფრო დემოკრატიულ» კონსტიტუციას, რომლითაც საბოლოოდ განმტკიცდა მსოფლიოში ყველაზე უფრო თვითმყრობელური, ტოტალისტური საბჭოთა უზარმაზარი სახელმწიფო, რომელიც მეორე მსოფლიო ომმა, არამც თუ შეარყია არამედ მისი ძლიერება ტერიტორიალურად განაერთო და თვალშიუწვდენელ საბჭოთა იმპერიად აქცია, სტალინის ერთპიროვნული, განუსაზღვრელი, დიქტატორული და აბსოლუტური უფლებებით ძლევამოსილი.

ს. კირაქაძე.

## აგვისტოს აჯანყება

(მ. ქავთარაძის მიერ წლისთავზე წარმოქმნილი სიტყვა)

ხალხის სურვილის გამოხატვას მრავალი სახე და ფორმა აქვს. ჩვენ ვიცნობთ: არჩევნებს, რეფერენდუმს, პლენისციტს, გაფიცვებს, საბოტაჟს, ტერორს და სხვა. ყოველ ამ მოქმედებათაგანს შეიძლება ადგილი ჰქონდეს, შეიძლება ამან ფართო ხასიათი ეკ მიიღოს და ამავე დროს შესაძლებელია, ეს მოქმედება, ერის არა თუ უმრავლესობის, არამედ საგრძნობო უმცირესობის სურვილსაც არ გამოხატავდეს. მაგრამ ყოველად შეუძლებელია რომ მასიურ-ხალხური აჯანყება მოეწყოს თუ ამის გამომწვევი მიზეზები ხალხშივე არ არსებობს და თუ აჯანყების მოხდენა ხალხის დიდი უმრავლესობის სურვილს არ შეადგენს.—განსაკუთრებით დაპყრობილ ქვეყანაში და ისიც პოლიციურ რეჟიმის და მმართველ პარტიის დიქტატორის პირობებში. როდესაც ოპოზიციისათვის ბეჭდვითი თუ სიტყვიერი პროპაგანდა არათუ აკრძალულია, არამედ თვით ოპოზიციის არსებობაც არ არის კანონის მიერ დაშვებული.

ხალხ ცნობილია რომ სწორედ ამგვარ პირობებში მოხდა აგვისტოს აჯანყება და მას სწორედ მასიურ-ხალხური ხასიათი ჰქონდა.

1924 წელს ჩვენი ქვეყნისა და ხალხის ეკონომიური მდგო-

მარეობა, ცხადია, დამაკმაყოფილებელი არ იყო, მაგრამ დამოუკიდებლობის ხანასთან შედარებით, იგი ისე არ გაუარესებულა რომ ამას ხალხის სასოწარკვეთილება და აჯანყება გამოეწვია. არც ისეთი აუტანელი გაკირვება იყო, რომ ძველი მდგომარეობის აღდგენისათვის ხალხს თავი გაეწირა.

ადმინისტრაციის მაშინდელი საქციელი, თუმცა სანაქებოთ ვერ ჩაითვლება მაგრამ მუშების და გლეხების მასიურ ჩაგვრა-შევიწროებას ადგილი არა ჰქონია. კოლექტივიზაცია ჯერ დაწყებული არ იყო, არც სტახანოვობა, შრომის ნორმები, და სამუშაო ადგილზე მიმავრება არსებობდა. ამავე დროს კომუნისტური პარტია ხალხს სამოთხის აშენებას ჰპირდებოდა, სადაც გლეხსა და მუშას უნდა ებატონა. და თუ მხედველობაში მივიღებთ კომუნისტების მიერ შემოღებულ, მეცნიერულ მეთოდით ნაწარმოებს, აქამდე მსოფლიო ისტორიაში უზილავ მასიურ პროპაგანდას, შეიძლება ითქვას, რომ მაშინ, ხალხისათვის, ყველა ამ დაპირებათა არ დაჯერების საბუთი არც არსებობდა.

მაშ ასეთ პირობებში რისთვის აუჯანყდენ გლეხები და მუშები თავიანთ «გლეხურ-მუშურ» ხელისუფლებას?

ცხადია აქ უნდა მოვძებნოთ ისეთი რამ, რაც საბჭოთა ხელისუფლებამ ხალხს წაართვა და რის დაბრუნებასაც ეს ხელისუფლება აღარ აპირებდა. ასეთი რამ ეროვნული თავისუფლება და სახელმწიფოებრივი დამოუკიდებლობა იყო. და სწორედ ეროვნული თავისუფლების აღდგენა იყო აჯანყებულთა ლოზუნგი. რადგან ეროვნული თავისუფლების დეკარგვამ გამოიწვია მასიური გამოფხიზლება ხალხისა. დიდმა და პატარამ იგრძნო ეროვნულ ჩაგვრით გამოწვეული ტკივილი და ქართულ კომუნისტურ მთავრობის, მოსკოვის მორჩილებაში ყოფნამ წარმოშვა გრძნობა ეროვნული ღირსების შეურაცყოფისა.

სრულიად გადაუჭარბებლად შეიძლება ითქვას: თუ საქართველოს დამოუკიდებლობის გამოცხადება მაშინდელ ქართულ პოლიტიკურ ხელმძღვანელობის მიერ შესრულებული აქტია, აგვისტოს აჯანყება, ამავე აქტის უზენაესი რატიფიკაციაა, რადგან იგი თავდადებულ ათასთა მიერ დაღვრილი სისხლით არის ხელმოწერილი.

შორს, ძალიან შორს უნდა დავიხიოთ ქართულ ისტორიაში, რომ აგვისტოს განზომილების მოვლენას მივაგნოთ. კოხტის თავის შეთქმულების შემდეგ ამდენად სრულიად საქართველოს მართაბით მომხდარი აქტი ჩვენს ისტორიას არ ახსოვს.

ყოველი აჯანყება რა თქმა უნდა გამარჯვების იმედით ხდება, მაგრამ ეს იმას არ ნიშნავს, რომ ყოველი დამარცხებული აჯანყება ფუჭად ჩავლილი ცდა არის.

აგვისტოს აჯანყების ხაზგასმით ეროვნული მოტივი და

მისი მასსიური ხალხური ხასიათი უდიდესი აქტია რომლის ბადალი ჩვენს ისტორიაში ძნელად თუ მოიპოვება.

იგი უტყუარი საბუთია ჩვენი ეროვნული სიმწიფისა თანამედროვე გაგებით და ჩვენი ხალხის ფართო მასაში ეროვნული შეგნების გამეფებისა, რაც მომავალ ქართულ პოლიტიკურ პელმძვანელობისათვის უყაყმანო სავალი გზის მარჩენებელია.

ჩვენ ამ მოვლენათა უშუალო მოწმეთ და ზოგჯერ მონაწილეთ რასაკვირველია არ შეგვიძლია საკმაოდ დაშორებულ მანძილიდან შევხედოთ მას. და რაოდენ დიდათაც არ უნდა მივიჩნიოთ იგი, მის ნამდვილ სიდიდეს ჩვენ ვერ გავზომავთ. ეს მომავლის საქმეა. ხოლო ჩვენი მოვალეობა ის არის რომ ღირსეულად და ერთგული მხნეობით ვიბრძოლოთ იმ მიზნისათვის, რომელსაც ათასობით დაღუპული აგვისტოელი შეეწირა და სიკვდილამდე ურყევად ვემსახუროთ უკეთილშობილეს საქმეს, რომელსაც კი შეიძლება კაცი ემსახუროს—საქმეს რომელსაც მშობელი ერის თავისუფლებისათვის ბრძოლა ეწოდება.

შეიძლება დღეს მიუღწევლად მოჩანდეს ჩვენი მიზანი. იქნებ განუზომელი იყოს ჩვენსა და ჩვენს მტერს შორის არსებული ძალთა სხვაობა. მაგრამ, ჯერ ერთი, საერთოდ გზის სიძნელისა გამო გზიდან გადახვევა იქეთ წასვლას ნიშნავს საითაც არ უნდა წავსულიყავით, ჩვენს შემთხვევაში კი, დამოუკიდებლობისა და თავისუფლების ძიებისათვის თავის დაწებება ეროვნული სახის დაკარგვას, უფრო კონკრეტულად რომა ვსთქვამთ, ჩვენს გარუსებასა ნიშნავს.

ქართველმა ხალხმა თავისი ხანგრძლივი ისტორიის მანძილზედ ზღვა სისხლი სწორედ ამიტომ დაღვარა, რომ ეროვნული სახე არ დაეკარგა და უცხოთა მასაში არ გათქვეფილიყო. ამიტომ წარმოვაღებთ ჩვენ ეთნოგრაფიულად, შედარებით პირველ სახით დღემდე მოღწეულ თითქმის ერთადერთს ერს, რომელიც კაცობრიობის იმ უძველეს და უნიკიერეს ჯიშს ეკუთვნის, რომელმაც დღემდე უძველესად და უპირველესად ცნობილი მცირე აზია-ხმელთა შუა ზღვის ცივილიზაცია შექმნა, რომელმაც საერთოდ ისტორია დაიწყო.

ბუნების კანონია: ცოცხალმა არსებამ თავის თავს არ უნდა უღალატოს. არც ჩვენ შეგვიძლია სხვაგვარად მოვიქცეთ. ჩვენი ისტორიიდან ჩვენ მრავალ შემთხვევას ვიცნობთ, როდესაც ერთი შეხედვით ყოვლად უიმედო მდგომარეობას, ქართველთა გამძლეობა და წინააღმდეგობა ვერ გაუტეხია და ჩვენს ქვეყანას დაკარგული თავისუფლება კვლავ მოუპოვებია.

სწორედ ამ დღეებში ქართული ეკლესია იგონებს ორ ქართველ მამულიშვილს, რომელნიც არაბთა ბატონობას წინააღმდეგენ და ამისათვის მოწამებრივი სიკვდილით დაისაჯ-

ნენ. ესენი იყვნენ დავით და კონსტანტინე. რამდენად უიმედოთ უნდა გამოჩენილიყო მაშინ ამ ორი ძმის ბრძოლა იმ არაბთა მფლობელობის წინააღმდეგ, რომელთაც მაშინდელ მსოფლიოში, არა მარტო სამხედრო სარბიელზე, არამედ კულტურულ სფეროშიც მეტოქე არ გააჩნდა. და რომელთა ზღვად ქცეულ მსოფლიო იმპერიაში საქართველო იყო ჩაძირული. მაგრამ სწორედ არაბთა ბატონობიდან თავის დაღწევას მოჰყვა დავით აღმაშენებლის და თამარის ეპოქა. თორმეტმა საუკუნემ განვლო მას შემდეგ და წმიდათა შორის ჩარიცხულ დავით და კონსტანტინეს ნეშთს ქართველი ხალხი 12 საუკუნის განმავლობაში თაყვანსა სცემდა.

თანამედროვე დავითები და კონსტანტინეები არიან აგვისტოს გმირები და თუ ორი კაცის ხსოვნა ჩვენმა ერმა 12 საუკუნე შეინახა, გაზომეთ რაოდენი ვალი გვადევს რამდენიმე ათას დაღუპულ კაცისა.

აი ის წარსული და თანამედროვე მაგალითები, რომელთაც უნდა გაგვამაგრონ სულიერად და მოგვანიჭონ რწმენა ჩვენი საქმის სიმართლისა. რა საცოდავად გამოიყურება ყოველივე ამის გვერდით, ისტორიკოსთა და ჟურნალისტთა ქურქში გახვეულ შტრის სამსახურში მყოფ პოლიციელთა ცდები ჩვენი წმიდა საქმის გასაშაველად. მათი საქციელი ზიზღნარევი სიბრალულის გამომწვევია ოდენ.

ქართული ემიგრაცია რომელმაც ნახევარი საუკუნის განმავლობაში ამაყად და ღირსეულად ატარა ერის თავისუფლებისათვის მებრძოლთა სახელი, კვლავ ამაყად და თავდადებულად იბრძოლებს ჩვენი ქვეყნის შელახულ უფლებათა აღდგენისათვის და ყოველგან სადაც კი ხმა მიუწვდება, იტყვის და მოითხოვს იმას რასაც დატყვევებული და სიტყვა წართმეული ქართველი ვერ თვით ვერ ამბობს და ვერ მოითხოვს.

დღეს კი ქართველ ათასეულ მოწამეთა მოგონების ქაშის, საბოლოო გამარჯვების ურყევი რწმენით შეეძახათ მათ სულებს:

დიდება თქვენს ხსოვნას, გამარჯვება თქვენს საქმეს.

#### ნინაძე პარიზში.

ნ თებერვალს შვედთა სამწყსოს დარბაზში გაიმართა, ქართული ეკლესიის, უკვე ტრადიციულად ქცეული, დღე. დამსწრე საზოგადოებას თავისი შთაბეჭდილებები უამბო საქართველოში ახლახან ნამყოფმა არჩილ მიუროტმა და ვერანზე გაშუქებული მის მიერ გადაღებული ფოტოსურათებიც აჩვენა. რითაც მრავალრიცხოვანი მსმენელნი ფრთხილ ნასიამოვნები დარჩნენ.



### რაქვენ (მიმა) არსენიძე.

1965 წლის 24 მაისს, გარდაიცვალა დამოუკიდებელ საქართველოს იუსტიციის ყოფილი მინისტრი რაქვენ არსენიძე. განსვენებულმა მთელი მისი ხანგრძლივი სიცოცხლის მანძილზე დიდი მუშაობა გასწია, როგორც პოლიტიკურ აგრეთვე კულტურულ სფეროში. უკანასკნელ წლებში იგი მიუხედავად რადიოს ქართული განყოფილების უფროსი იყო. გულის ავადმყოფობის გამო ამ საქმისათვის თავის დანებების შემდეგაც, სიცოცხლის უკანასკნელ დღეებამდე მას აქტიობა არ შეუწყვეტია.

### დავით სხირტლაძე.

გასული წლის ნოემბერში, პარიზში გარდაიცვალა ეროვ.-დემოკ. პარტიის ძველი წევრი დავით სხირტლაძე. განსვენებულნი, ჩვენი ემიგრაციის პირველ წლებში ქართველთა სათ. ვისტომოს თავმჯდომარე იყო, მნიშვნელოვანი მოღვაწეობის გარდა, განსვენებულმა მთელი მისი მატერიალური ქონება ქართულ საზოგადოებას მოახმარა, და მისი სიცოცხლის ბოლო წლებში ნივთიერ გაკვირებაში გაატარა. რადგან დახმარების მიღება ეთაკილებოდა. იგი ღირსია რომ მას მადლიერებითა და კეთილი გრძნობებით მოვიგონებდეთ.

### დიმიტრი უგრეხელიძე.

გასული წლის ენკენისთვეში, განუკურნებელი სენით შეპყრობილმა, დიმიტრი უგრეხელიძემ რევოლუციის ტყვეით თავი მოიკლა. განსვენებული იყო წევრი ეროვ.-დემოკ. პარტიისა და საქართველოში ხელმძღვანელი ქობულეთის საპროპაგანდო ბიუროსი.

საქართველოს დამოუკიდებლობის გამოცხადების წინახანებში ჩაირიცხა პარტიის ახალგაზრდათა რაზმში, რომელიც ქართული ლაშქარის სახელწოდებით ორიოდე თვის განმავლობაში ებრძოდა საქართველოსაკენ აღდგომიდან მომავალ ბოლშევიკურ ბანდებს.

სახლმშენებელი გადმოვიდა 1927 წელს. უკანასკნელი დიდი ომის დროს დიმიტრი მოხალისეთ ჩაეწერა გერმანიის ჯართან შექმნილ ქართულ ლეგიონში, მაგრამ ავადმყოფობისა გამო რამოდენიმე თვის შემდეგ პარიზში დააბრუნეს.

### ვლადიმირ (ვალდია) ცხომელიძე.

მიუნხენში გარდაიცვალა ვალდია ცხომელიძე, შვილი, თბილისში ცნობილ, ექიმ ცხომელიძისა.



### ვალიკო ახვლედიანი.

1965 წ. 11 ნოემბერს, ს. ლევილში თავის საკუთარ სახლში გარდაიცვალა ვალიკო ახვლედიანი. განსვენებული კარგა ხანია განუკურნებელ სენით იყო დაავადებული რასაც იგი არაჩვეულებრივი მხნეობით იტანდა.

### მანია ქუთათელაძე ხაშაშვილისა.

1966 წ. იანვარში გარდაიცვალა მანია ქუთათელაძე ხაშაშვილისა. განსვენებული, მარტოხელი, ღრმად მოხუცებული და ნახევრად დაბრმავებული, სამშობლოში დაბრუნებას ცდილობდა, რომ იქ დამარხულიყო, მაგრამ მიუხედავად თვეების გენმავლობაში განმეორებულ ცდებისა, მას ამის საშუალება არ მისცეს.

### იაკობ ფილდშვილი.

1965 წ. ნოემბერში გარდაიცვალა იაკობ ფილდშვილი. პარიზის ქართულ ეკლესიაში, აგვისტოს აჯანყების მსხვერპლთა მოსაგონარ წირვის შემდეგ, მოხუცმა ფილდშვილმა ქართული დროშის ამბორი მოინდომა. ქეის საფეხურზე ფეხი დაუცდა და თქმის თაფი მოიტეხა. ეს იყო მისი გარდაცვალების მიზეზი.

### შალვა ამბუშვილი.

ამ უკანასკნელ დღეებში მოულოდნელად გარდაიცვალა. მრავალ წელთა განმავლობაში ქართულ სათვისტომოს გამგეობის თავმჯდომარედ ყოფილი, შალვა აბდუშელიშვილი. მის დაკრძალვაზე მრავალრიცხოვან ქართულ და ფრანგულ საზოგადოების დასწრებაში ცხადპყო რამდენად აფასებდენ მის უაღრესად კეთილ ბუნებას და მის მიერ გაწეულ ღვაწლს. სიტყვები წარმოსთქვეს: სათვისტომოს თავმჯდომარემ ბ. ნ. ლ. ზურაბიშვილმა, სოც-დემ. პარტიის სახელით ბ. ნ. ცინცაძემ და ბ. გ. წერეთელმა, ერ-დემ. პარტიის სახელით ბ. მ. ქავთარაძემ.

ეროვნულ-დემოკრატიული პარტიისა და «იერიის» რედაქციის სახელით, უღრმესი მწუხარებით, თანაგრძნობას ვუცხადებთ მის მგლოვიარე ოჯახს.

გამომცემლობა-რედაქციის მხამართი:

E. Pataridze

35, rue General Delestraint.

Paris (16)

